

此長洲周鄉叢精校本鄭商劫餘存物



微之集舊得楊君謙鈔本行間多空字後得宋  
刻本吳中張子昭所藏始知楊氏鈔本空字皆宋  
本歲久漫滅觀君謙仍其舊而不敢益也嘉靖



子 東吳董氏用宋本翻雕行款如一獨於其空  
闕字樣皆妄以己意揣摩填補如首行山中思歸樂  
原空二字妄增云我作思歸樂文義違背殊不可通  
此本流傳日廣後人雖患其譌而無從是正良可  
慨也亂後余在燕都於南城廢殿得元集殘本向  
所闕誤一二完好暇日援筆改正豁然如翳之去

日霍然如疥之失體微之。集殘缺四百餘年而  
一旦復完寶玉大弓其猶有歸魯之徵乎著雍  
困敦之歲臯月廿七日東吳蒙叟識於臨頓里之

寓舍

元氏長慶集序

建安劉麟應禮

新唐書藝文志載其當時君臣所撰著文集篇目甚多太宗  
集四十卷至武后垂拱集一百卷今皆弗傳其餘名公鉅人  
之文所傳蓋十一二爾如梁苑文類會昌一品鳳池藁草笠  
澤叢書經緯穴餘遺榮霧居見於集錄所稱道者毋慮數百  
家今之所見者僅十數家而已以是知唐人之文亡逸者多  
矣嗚呼樵夫牧叟詭異怪誕之說鬼神幻惑不根之言時時  
萃為一書以詒好事者觀覽至於士君子道德仁義之文經  
國濟時之論乃或沉沒無聞豈不惜哉元微之有盛名於元  
和長慶間觀其所論奏莫不切當時務詔誥歌詞自成一家  
非大手筆曷臻是哉其文雖盛傳一時厥後沒亦不顯唯嗜  
書者時時傳錄不亦甚可惜乎僕之先子尤愛其文嘗手自

抄寫曉夕玩味稱歎不已蓋惜其文之工而傳之不久且遠也迺者因閱手澤悲不自勝謹募工刊行庶幾元氏之文因先子復傳於世斯文舊亡其序第冠以新唐書微之本傳則微之之於文其所造之淺深可槩見矣宣和甲辰仲夏晦日序

元氏長慶集目錄

第一卷

古詩

思歸樂

春蟬

古社

芳樹

雉媒

賽神

分水嶺

春鳩

兔絲

松樹

桐花

箭鏃

大觜鳥

四皓廟

第二卷

古詩

青雲驛

陽城驛

苦雨

種竹

和樂天贈樊著作

和樂天感鶴

諭寶

說劍

書異

和樂天折劍頭

第三卷

古詩

松鶴

競渡

寺院新竹

訓別致用

竹部

賽神

競舟

茅舍

後湖

八駿圖

畫松

遣興

野節鞭

第四卷

古詩

旱災自咎

蟲豸 并序

巴蛇

蝮蜂

蜘蛛

蟻子

蝮子

浮塵子

蝮

楚歌

襄陽道

賦得魚登龍門

貞元曆

塞馬

鹿角鎮

感事

翰林東閣小松

第五卷

古詩

清都夜境

永壽寺看牡丹

憶雲之

秋夕遠懷

分流水

含風夕

酬樂天

西州院

韋氏館泛舟

寄隱客

春晚寄楊十二

春餘遣興

別李三

東西道

西還

秋堂夕

楊子華畫

臺中鞠獄憶舊事

劉氏館集隱客

投吳端公崔院長

第六卷

古詩

寄吳士矩

酬樂天書懷

酬樂天早夏

和樂天初授戶曹

和樂天秋題曲江

和樂天秋題牡丹

月臨花

送王十一南行

遣書

西齋小松

第七卷

古詩

遣春

解秋

宿層峯館寄樂天

酬樂天登樂遊園

酬樂天歡醉

和樂天贈吳舟

和樂天月夜作

春月

紅芍藥

三歎

冬夜懷李侍御

周先生

表夏

遣病

玉泉道中

寒

續遣病

感夢

和李相公慈竹

第八卷

古詩

酬李相公

酬獨孤二十六送歸通州

酬劉猛見送

酬樂天江州見寄

郵竹

落月

高荷

和裴校書路鶯鶯

夜池

酬楊司業見寄

代杭民作一朝使君去

長慶曆

順宗挽歌詞

憲宗挽歌詞

恭王太妃挽詞

吳王新州  
遠安寺水亭

僧如展

寒食日示姪

別孫村老人

劉家花

褒城驛

和樂天夢亡友

酬樂天見憶

與樂天葬杓直

第九卷

傷悼詩

夜閑

感小株夜合

醉醒

追昔遊

空屋題

初寒夜寄盧子蒙

謝子蒙見諭

諭子蒙

遣悲懷

旅眠

除夜

感夢

合衣寢

竹簟

聽彈烏夜啼

夢井

江陵三夢

張舊蚊幃

獨夜

六年春遣懷

荅友封

夢成之

哭小女降真

哭女樊

又哭女樊

哭子

感逝

妻滿月相唁

第十卷

律詩

代曲江老人

開元觀酬吳侍御

春期白二十二不至

黃明府詩

酬白學士

第十一卷

律詩

紀懷贈李戶曹

荅胡靈之五十韻

酬許康佐

送人之嶺南

酬段丞

酬竇校書

泛江翫月

病聞幕中徵樂

酬友封話舊

送王協律遊杭越

送馬侍御迴

第十二卷

律詩

酬盧秘書

戲贈韓舍人

和權相公行次臨闕

酬樂天東南百韻

和樂天送客

獻滎陽公

第十三卷

律詩

酬樂天江樓夜吟

酬樂天待漏入閣

酬樂天游西湖

江邊

春

月

神麴酒

感石榴

度門寺

大雲寺

和友封題開善寺

第十四卷

律詩

牡丹

象人

松石

春雪映早梅

玉卮無當

數賞

九月盡

雨後花

早歸

晚秋

送林復夢赴辟

憶楊十二

夜合

新竹

秋相望

春病

山竹杖

悟禪

東臺去

戴光弓

劉頗詩

夜飲

褒城驛

閑

欲曙

寄胡靈之

夜雨

酬李六醉後

歸田

綠路

誚盧戡

還春



歲日

臨湘樓

晚宴湘亭

酒醒

第十五卷

律詩

獨遊

洞庭湖

雪天

贈熊士登

別熊判官

水上寄樂天

夏陽亭

日高睡

輞川

天壇歸

雨後

晴日

直臺

行宮

醉行

指巡胡

飲新酒

香毬

景申秋

遣行

生春

嘉陵水

漫天嶺

百牢關

酬王全素

寄獻榮陽公

酬樂天寄蘄簞

酬李浙西

酬周從事

代杭民荅樂天

第十六卷

律詩

杏園

菊花

寄哥舒少府

幽棲

清都春霽

華嶽寺

天壇上境

尋西明寺僧

春遊

晚春

先醉

獨醉

宿醉

懼醉

羨醉

憶醉

病醉

擬醉

勸醉

任醉

同醉

狂醉

伴僧行

古寺

定僧

觀心處

智度師

牡丹

憶楊十二

送復夢

送劉太白

奉誠園

華嶽寺望山

野狐泉柳林

酬胡三問牡丹

酬樂天秋興

第十七卷

律詩

雪後宿同軌店

贈韋氏兄弟

永貞二年赦

大湓洞

餞李十二

題李十一居壁

靖安窮居

贈樂天

駱口驛

清明日

亞枝紅

梁州夢

南秦雪

江樓月

慙問囚

江上行

漢江笛

郵亭月

嘉陵驛

百牢關

江花落

嘉陵江

西縣驛

望喜驛

好特節

夜深行

望驛臺

贈咸陽少府

贈呂校書

封書

李著作作花園

燈影

江陵途中寄樂天

渡漢江

哀病驄

送崔侍御

酬樂天翫月

酬樂天奇通中散

第十八卷

律詩

陪諸公游通德湖

送友封

放言

酬劉二十八贈石枕

和嚴司空重陽日

送王十一游剡中

重送友封

送致用

靜勝寺

書樂天紙

酬孝甫

和樂天招蔚章

折花贈行

寄劉頗

過王十一館

送孫勝

游三寺

遠望

尋李校書

襄陽樓

游碧澗寺

和竇容州

盧頭陀

醉別

第十九卷

律詩

宴望岳樓

岳陽樓

寄庾敬休

花栽

宿石機

遭風

贈崔元儒

嚴澗宅

送杜元穎

病馬寄李尚書

李中丞

盧評事

張校書

韋兵曹

贈童子郎

桐花詩

西歸絕句

留呈夢得

小碎

和樂天高相宅

仇家酒

贈雲寂

澧西別樂天

寄曇上人

題智師蘭若

蒼溪縣

贈吳渠州

夢李紉

第二十一卷

律詩

新政縣

南昌灘

見樂天詩

夜坐

聞樂天授江州司馬

歲月贈拒非

送盧戡

雨聲

離筵作

嘉陵水

閩州開元寺

寄樂天書

得樂天書

又寄樂天

酬知退

通州

酬樂天書後

相憶淚

喜李十一到

與李十一夜飲

贈李十一

寒食日

三兄遺白角巾

別李十一

酬樂天醉別

酬樂天雨後

和樂天過秘閣

贈楊秘書

王家亭子

酬樂天見夢

琵琶

春詞

第二十一卷

律詩

酬樂天春見寄

酬樂天武關南

酬樂天舟泊夜

酬樂天見寄

酬樂天得稹所寄

和樂天尋郭道士

酬樂天寄生衣

酬樂天得予詩

酬樂天見賀

酬樂天歎窮愁

酬樂天三月三日

酬樂天歎損傷

瘴塞

紅剗

黃草峽聽琴

書劍

內狀詩

別毅郎

自責

送公度

喜五兄至

杏花

詠春風

贈別楊巨源

寄樂天

聽妻彈別鶴操

和王侍郎放榜後

第二十二卷

律詩

酬樂天喜鄰郡

再酬

贈樂天

重贈

西陵晚眺

以州宅誇樂天

重誇州宅景色

酬樂天

寄樂天

戲贈樂天

重酬樂天

再酬復言

整比舊詩寄樂天

酬樂天餘思

寄樂天

酬樂天雪中

和樂天早春

郡齋感懷

代郡齋神荅樂天

酬樂天寄別

和樂天東樓

餘杭周從事

寄浙西李大夫

初除浙東

為樂天勘詩

長慶曆尾

第二十三卷

樂府

樂府古題序

夢上天

採珠行

將進酒

憶遠曲

黃遜行

織婦詞

夫遠征

俠客行

田家詞

田野狐兔行

君莫非

人道短

當來日大難行

出門行

苦樂相倚曲

古築城曲

捉捕歌

估客樂

第二十四卷

樂府

連昌宮詞

望雲騅馬歌

上陽白髮人

華原磬

五絃彈

西涼伎

法曲

馴犀

立部伎

驃國樂

胡旋女

蠻子朝

縛戎人

陰山道

第二十五卷

樂府

有鳥

有酒

華之巫

廟之神

第二十六卷

樂府

村花晚

紫躑躅

山枇杷

樹上烏

琵琶歌

小胡笳

去梳州

南家桃

志堅師

荅子蒙

辛夷花

廳前栢

夜別筵

三泉驛

河滿子

丁溪館

望海亭

第二十七卷

賦

樂為御

善歌如貫珠

鎮圭

觀兵部馬射

郊天日五色祥雲

第二十八卷

策

才識兼茂明於體用

第二十九卷

書

論教本書

與史館韓侍郎書

第三十卷

書

敘詩寄樂天書

誨姪等書

第三十一卷

書

代論淮西書

上門下裴相公書

第三十二卷

表奏

敘奏

獻事表

第三十三卷

表

論追制表

論諫職表

論討賊表

論西戎表

同州刺史謝表

賀誅李宥表

第三十四卷

表

賀聖體平復御紫宸殿受朝賀表

代李中丞謝官表

為嚴司空謝招討使表

賀誅吳元濟表

為蕭相讓官表

為蕭相謝追贈祖父祖妣亡父表

狀

遷廟議狀

錢貨議狀



兩省供奉官諫狀

駕幸温湯狀

第三十五卷

狀

辨日旁瑞氣狀

謝准朱書撰田弘正碑文狀

謝賜告身衣服并馬狀 謝賜設狀

論御札狀

進田弘正碑文狀

進詩狀

進西北邊圖經狀

進西北邊圖狀

進雙雞等狀

第三十六卷

狀

進馬狀

為蕭相謝告身狀

為令狐相公謝賜金石凌紅雪狀

為蕭相國謝太夫人國號告身狀

為令狐相國謝回一子官與弟狀

賀降誕日德音狀

中書省議賦稅及鑄錢狀

中書省議舉縣令狀

第三十七卷

狀

彈奏劔南東川節度使狀

彈奏山南西道兩稅外草狀

第三十八卷

狀

論浙西觀察使封杖決殺縣令狀

論轉牒事狀

為河南府百姓訴車狀

同州奏均田狀

第三十九卷

狀

論當州朝邑等三縣代納夏陽韓城兩縣率錢狀  
浙東論罷進海味狀

第四十卷

制誥

制誥序

處分幽州德音

冊文武孝德皇帝敕文  
戒勵風俗德音

第四十一卷

制誥

招討鎮州制

批宰臣請上尊號第二表

批宰臣請上尊號第三表

批宰臣請上尊號第四表

批劉悟謝上表

批王播謝上表

幽州平告太廟祝文

秋分日祭百神文

第四十二卷

制誥

授王播中書侍郎平章事兼鹽鐵使制

加裴度幽鎮兩道招撫使制

加裴度鎮州四面招討使制

授劉總守司徒兼侍中制

許劉總出家制

加烏重胤檢校司徒制

第四十三卷

制誥

授李愿檢校司空宣武軍節度使制

授劉悟檢校司空幽州節度使制

授劉悟昭義軍節度使制

加陳楚檢校左僕射制 授馬摠檢校刑部尚書

授田布魏博節度使制

第四十四卷

制誥

授楊元卿涇原節度使制

授牛元翼深冀等州節度使制

授牛元翼成德軍節度使制

授韓臯吏部尚書制 授趙宗儒太常卿制

授韓臯尚書左僕射制

授李絳檢校右僕射兼兵部尚書制

第四十五卷

制誥

授王播刑部尚書諸道鹽鐵轉運等使制

授杜元穎戶部侍郎依前翰林學士

沈傳師授中書舍人 崔陵授尚書戶部侍郎

裴向授左散騎常侍 崔郾授諫議大夫

白居易授主客郎中知制誥

李拭授宗正卿 裴武授司農卿

第四十六卷

制誥

盧士玫權知京兆尹 劉士涇授太僕卿

裴堪授工部尚書致仕 于季友授右羽林將軍

邵同授太府少卿充入蕃使

元宗簡授京兆少尹 劉師老授右司郎中

楊嗣復授兵部郎中 鄭涵授尚書考功郎中

高允恭授戶部郎中判度支案

高允恭授侍御史知雜事

栢者授兵部員外郎

第四十七卷

制誥

高鉞授起居郎

班肅授尚書司封員外郎

獨孤朗授尚書都官員外郎

范季睦授尚書倉部員外郎

楊汝士授右補闕

唐慶授萬年縣令

裴注授侍御史

李珣授監察御史

王永太常博士

李從易宗正寺丞

盧均等三人授通事舍人

顏覲右贊善大夫

荆甫左清道率府率

王惠超左清道率府率

第四十八卷

制誥

崔弘禮鄭州刺史

元佑洋州刺史

袁重光雅州刺史

齊曠饒州刺史

元萁杭州刺史

韓察明州刺史

韋行立處州刺史

王進岌冀州刺史

論倚忻州刺史

王元琬銀州刺史

陳諫循州刺史

萬憬皓端州刺史

趙真長戶部郎中兼侍御史

王忻河南府永寧縣令

吉收京兆府渭南縣令

駱恪壽州長史

裴溫兼監察御史裏行充清海軍節度參謀

韓克從太子通事舍人 崔方實試太子詹事

李歸仙鎮州右司馬 齊煦華州定縣令

韋玠京兆府美原縣令

裴訓檢校尚書庫部郎中充河南節度判官

蔡少卿兼監察御史

李立則檢校虞部員外郎知鹽鐵東都留後

常亮元權知橋陵臺令 杜載監察御史

崔兢都官員外郎兼侍御史

### 第四十九卷

制誥

范傳式河南府壽安縣令

王炅兼侍御史 高端婺州長史

李焜滑州司馬 劉頊河中府河西縣令

王悅昭武校尉行左千牛備身

崔適翊麾校尉守左千牛備身

姚文壽右監門衛將軍知內侍省

徐智爰右監門衛將軍 邵常政內侍省內謁者監

宋常春內僕局令

青州道渤海授金吾將軍等放還蕃

青州道渤海等授諸衛將軍放還蕃

令狐楚等加階 蕭儉等加勳

蕭儉等加封爵 李逢吉等加階

李光顏加階 王仲舒等加階

郭釗等轉勳 武儒衡等加階

崔元略等加階 胡証授定遠將軍

諸使收淄青敘錄將士等授官爵勲

劔南西川節度使下將士敘勲

鄭氏封才人

七女封公主

王承宗母吳氏封齊國太夫人

第五十卷

制誥

李愬妻韋氏封魏國夫人

贈田弘正父庭玠等

贈烏重胤父承玘等

韓愈父仲卿贈吏部侍郎

韋審規父漸贈官

田弘正母鄭氏追贈

孔戣母韋氏追封

李逢吉母王氏追封

李遜母崔氏追封博陵郡太君

王替母齊國大長公主追封

王播母李氏追封

龔餘慶贈太保

王承宗贈侍中

裴行立贈左散騎常侍

陳憲忠贈衡州刺史

贈衛弘本等

贈于頔謚

追封宋若華

入朝奚大首領梅落悟孤等二十五人授官階

入朝契丹首領達于只枕等二十九人果毅別將

劉惠通授謁者監

第五十一卷

序

白氏長慶集序

記

永福寺石壁法華經記

翰林承旨學士記

第五十二卷

碑

沂國公魏博德政碑

唐故開府儀同三司南陽郡王張公碑文

第五十三卷

碑

唐故越州刺史兼御史中丞河東薛公神道碑

墓誌

故中書令贈太尉沂國公墓誌銘

唐故京兆府鹽屋縣尉元君墓誌銘

第五十四卷

墓誌

有唐贈太子少保崔公墓誌銘

唐故中大夫贈工部尚書李公墓誌銘

第五十五卷

墓誌

唐故福建等州觀察處置等使贈左散騎常侍裴公

墓誌銘

行狀

故金紫光祿大夫檢校司徒贈太保鄭國公嚴公行

狀

第五十六卷

墓誌

唐故萬州刺史劉君墓誌銘

唐故工部員外郎杜子美墓係銘

第五十七卷

墓誌

唐故朝議郎侍御史河陰留後元君墓誌銘  
唐故建州浦城縣尉元君墓誌銘

第五十八卷

墓誌

夏陽縣令陸翰妻河南元氏墓誌銘

唐左千牛韋珮母段氏墓誌銘

蘇安氏誌

第五十九卷

告贈文

告贈皇考右散騎常侍皇妣滎陽郡太君鄭氏文

告贈皇祖尚書兵部員外郎祖妣晉昌縣太君唐氏

文

告祀曾祖岐州參軍府君文

告齋三陽神文

告齋竹山神文

報三陽神文

祈雨九龍神文

報雨九龍神文

第六十卷

祭文

祭淮瀆文

祭翰林白學士太夫人文

祭禮部庾侍郎太夫人文

祭亡妻韋氏文

祭亡友文

元氏長慶集目錄



元氏長慶集卷第一

古詩

思歸樂

春鳩

春蟬

兔絲

古社

松樹

芳樹

桐花

雉媒

箭鏃

賽神

大觜鳥

分水嶺

四皓廟

思歸樂

我作思歸樂盡作思歸鳴爾是此山鳥安得失鄉名應緣此  
寄迹自古離人征陰愁感和氣俾爾從此生我雖失鄉去我  
不失鄉情慘舒在方寸寵辱將何驚浮生居大塊尋丈可寄

身身安即形樂豈獨樂咸京命者道之本死者天之平安問  
遠與近何言殤與彭君看趙工部八十支體輕交州二十載  
始對長安城長安不須史復作交州又累歲移鎮值  
江陵歸朝新天子濟濟爲上卿肌膚無瘴色飲食康且寧人  
生如晝夜死者如霄星喪車四門出何關炎瘴縈況我三十  
餘年來未半程江陵道途近楚俗雲水清遐想玉泉寺久欲  
登斯亭此去盡綿歷豈無心賞并紅殮日充腹碧澗朝析醒  
釀酒待賓客寄書安弟兄閑窮四聲韻悶閱九部經身外無  
所求眼前隨所營此意久已定誰能苟求榮所以官甚小朝  
野已勢傾傾心豈不易巧詐神之刑萬物有本性况復人至  
靈金埋無土色玉墜無瓦聲劔折有寸利鏡破有片明我可  
我可刃爲兵我心終不死金石貫以誠此誠患不立

春鳩

春鳩與百舌音響詎同年如何一時語俱得春風憐猶知出  
物意當春不生蟬免教爭叫噪沸涓桃花前

春蟬

我自東歸日馱苦春鳩聲作詩憐化工不遣春蟬生及來商  
山道山深氣不平春秋兩相似虫豸百種鳴風松不成韻蜩  
蟬沸如羹豈無朝陽鳳羞與微物爭安得天上雨奔渾河海  
傾蕩滌反時氣然後好晴明

兔絲

人生莫依倚依倚事不成君看兔絲蔓依倚榛與荆荆榛易  
蒙密百鳥撩亂鳴下有狐兔穴奔走亦縱橫樵童破將去柔  
蔓與之并翳蒼生可耻束縛死無名桂樹月中出珊瑚石上  
生俊鶻度海食應龍升天行靈物本特達不復相纏縈縈縈

竟何者荆棘與飛莖

古社

古社基址在人散社不神唯有空心樹妖狐藏魅人狐惑意  
顛倒臊腥不復聞丘墳變城郭花草仍荆榛良田千萬頃占  
作天荒田主人議芟斫怪見不敢前那言空山燒夜隨風長  
奔壯聲鼓鼙震高焰旗幟翻逡巡荆棘盡狐兔無子孫狐死  
魅人醒煙消壇墀存繞壇舊田地給授有等倫農收村  
社樹新團圞社公千萬歲永保村中民

松樹

華山高憧憧上有高高松株株遙各各葉葉相重重槐樹夾  
道植枝葉俱冥蒙既無貞直幹復有骨挂蟲何不種松樹種  
之搖清風秦時已曾種顛顛種不供可憐孤松意不與槐樹  
同樹在高山頂膠盤虬與龍屈爲大夏棟庇廕侯與公不肯  
作行伍俱在塵土中

芳樹

芳樹已寥落孤英尤可嘉可憐團圓葉蓋覆深深花遊蜂競  
鑽刺鬪雀亦紛拏天生細碎物不愛好光華非無殲殄法念  
爾有生涯春雷一聲發驚燕亦驚虵清池養神蔡已復長蝦  
蟆雨露貴平施吾其春草芽

桐花

隴月上山館紫桐垂好陰可憐暗澹色無人知此心舜沒蒼  
梧野鳳歸丹穴岑遺落在人世光華那復深年年怨春意不  
競桃杏林唯占清明後牡丹還復侵况此空館閉云誰恣幽  
尋徒煩鳥噪集不語山嶽岑滿院青苔地一樹蓮花簪自開  
還自落暗芳終暗沉爾生不得所我願裁爲琴安置君王側  
調和元首音安問宮徵角先辨雅鄭浮宮絃春以君君若春

日臨商絃廉以臣臣作旱天霖人安角聲暢人困鬪不任羽  
以類萬物祆物神不歆徵以節百事奉事罔不欽五者苟不  
亂天命乃可忱君若問孝理彈作梁山吟君若事宗廟拊以  
和球琳君若不好諫願獻觸䟽箴君若不罷猶請聽荒于禽  
君若侈臺殿雍門可霑襟君若傲賢雋鹿鳴有食芩君聞祈  
招什車馬勿駸駸君若欲敗度中有式如金君聞薰風操志  
氣在惛惛中有阜財語勿受來獻賧北里當絕聽禍莫大於  
媯南風苟不競無往遺之擒姦聲不入耳巧言寧孔壬梟音  
亦云革安得沴與禔天子既穆穆群材亦森森劔士還農野  
絲人歸織絰丹鳳巢阿閣文魚游碧潯和氣浹寰海易若漑  
蹄泐改張乃可鼓此語無古今非琴獨能爾事有諭因針感  
爾桐花意閑怨杳難禁待我持斤斧置君爲大琛

維媒

雙雉在野時可憐同嗜欲毛衣前後成一種文章足一知獨  
先飛衝開芳草綠網羅幽草中暗被潛羈束剪刀摧六翮絲  
線縫雙目啖養能幾時依然已馴熟都無舊性靈返與他心  
腹置在芳草中翻令誘同族前時相失者思君意彌篤朝朝  
舊處飛徃徃巢邊哭今朝樹上啼哀音斷還續遠見爾文章  
知君草中伏和鳴忽相召鼓翅遙相矚畏我未肯來又啄翳  
前粟斂翮遠投君飛馳勢奔蹙臂挂在君前向君聲促促信  
君決無疑不道君相覆自恨飛太高踈羅偶然觸看看架上  
鷹擬食無罪肉君意定何如依舊彫籠宿

箭鏃

箭鏃本求利淬礪良甚難礪將何所用礪以射凶殘不礪射  
不入不射人不安爲盜即當射寧問私與官夜射官中盜中  
之血闌干帶箭君前訴君王悄不歡頃曾爲盜者百箭中心

橫競將兒女淚滴瀝助辛酸君王責良師此禍誰爲端帥言  
發劓罪不使刃稍利君王不忍殺逐之如迸丸仍令後來箭  
盡可頭團團發劓去雖遠礪鍬心不闌會射蛟螭盡舟行無  
惡瀾

### 賽神

村落事妖神林木大如村事來三十載巫覡傳子孫村中四  
時祭殺盡雞與豚主人不堪命積燎曾欲燔旋風天地轉急  
雨江河翻採薪持斧者弃斧縱橫奔山深多掩映僅免鯨鯢  
吞主人集鄰里各各持酒罇廟中再三拜願得禾稼存去年  
大巫死小覲又妖言邑中神明宰有意効西門焚除計未決  
伺者迭乘軒廟深荆棘厚但見狐兔罇巫言小神變可驗生  
馬蕃邑吏齊進說幸勿禍鄉原踰年計不定縣聽良亦煩涉  
腹祭時至因令修四巨憂虞神貫恨玉帛意彌敦我來神廟  
重疊論蜉蝣生濕處鷓鴣集黃昏主人邪心起氣焰日夜繁  
狐狸得蹊徑潛穴主人園腥臊襲左右然後託丘樊歲深樹  
成就曲直可輪轉幽妖盡依倚萬惟之所屯主人一心好四  
面無籬藩命樵執斤斧惟木寧遽坑主人且傾聽再爲諭清  
渾阿膠在末派罔象游上源靈藥逡巡盡黑波朝夕噴神龍  
獸流濁先伐鼉與龜鼉鼉在龍穴妖氣常鬱溫主人惡淫祀  
先去邪與惛惛邪中人意蠱禍蝕精魂德勝妖不作勢強威  
亦尊計窮然後賽後賽復何恩

### 大觜鳥

陽鳥有二類觜白者名慈求食哺慈母因以此名之飲啄頗  
廉儉音響亦柔雌百巢同一樹栖宿不復疑得食先返哺一  
身長苦羸緣知五常性翻被衆禽欺其一觜大者攫搏性貪

癡有力強如鷲有爪利如錐音聲甚吠嚼潛通妖恠詞受日  
餘光庇終天無死期翱翔富人屋栖息屋前枝巫言此鳥至  
財產日豐宜主人一心惑誘引不知疲轉見鳥來集自言家  
轉孳白鶴門外養花鷹架上維專聽鳥喜怒信受若神龜舉  
家同此意彈射不復施徃徃清池側却令鷓鴣隨群鳥飽梁  
肉毛羽色澤滋遠近恣所徃貪殘無不為巢禽攫雛卵廢馬  
啄瘡痍滲瀝脂膏盡鳳皇那得知主人一朝病爭向屋簷窺  
吻嚙呼群鷓翩翩集恠鳴主人偏養者嘯聚最奔馳夜半仍  
驚噪鷓鴣逐老狸主人病心怯燈火夜深移左右雖無語奄  
然皆淚垂平明天出日陰魅走參差鳥來屋簷上又惑主人  
兒兒即富家業翫好方愛奇占募能言鳥置者許高貴隴樹  
巢鸚鵡言語好光儀美人傾心獻彫籠身自持求者臨軒坐  
置在白玉屏先問鳥中苦更言鳥若斯衆鳥齊博樂翠羽戲  
披遠撫千餘里美人情亦哀舉家德此患事鳥踰昔時  
言池上鷺啄肉寢其皮夜漏天終曉陰雲風定吹况爾鳥何  
者數極不知危會結彌天網盡取一無遺常令阿閣上宛宛  
宿長離

分水嶺

崔嵬分水嶺高下與雲平上有分流水東西隨勢傾朝同一  
源出暮隔千里情風雨各自異波瀾相背驚勢高競奔注勢  
曲已廻縈偶值當途石蹙縮又縱橫有時遭孔穴變作嗚咽  
聲褊淺無所用奔波奚所營團團井中水不復東西征上應  
美人意中涵孤月明旋風四面起井深波不生堅冰一時合  
井深凍不成終年汲引絕不耗復不盈五月金石鑠既寒亦  
既清易時不易性改邑不改名定如拱北極瑩若燒玉英君  
門容如水日夜隨勢行君看守心者井水為君盟

四皓廟

巢由昔避世堯舜不得臣伊呂雖急病湯武乃可君四賢胡  
為者千載名氛氲顯晦有遺跡前後疑不倫秦政虐天下黷  
武窮生民諸侯戰必死壯士眉亦頰張良韓孺子推碎屬車  
輪遂令英雄意日夜思報秦先生相將去不復嬰世塵雲卷  
在孤岫龍潛為小鱗秦皇轉無道諫者鼎鑊親茅焦脫衣諫  
先生無一言趙高殺二世先生如不聞劉項取天下先生游  
白雲海內八年戰先生全一身漢業日已定先生名亦振不  
得為濟世宜哉為隱淪如何一朝起屈作儲貳賓安存孝惠  
帝摧頽戚夫人捨大以謀細虬盤而蠖伸惠帝競不嗣呂氏  
禍有因雖懷安劉志未若周與陳皆落子房術先生道何屯  
出處貴明白故吾今有云

元氏長慶集卷第二

古詩

青雲驛

陽城驛

苦雨

種竹

和樂天贈樊著作

和樂天感鶴

論寶二首

說劍

書異

和樂天折劍頭

青雲驛

峒崑青雲嶺下有千仞谿徘徊不可上人倦馬亦嘶願登青  
雲路若望丹霞梯謂言青雲驛繡戶芙蓉閨謂言青雲騎玉  
勒黃金蹄謂言青雲具瑚璉并象犀謂言青雲吏的的顏如  
珪懷此青雲望安能復久棲路途信不易風雨正淒淒已恠  
杜鵑鳥先來山下啼歸家塵霧黯忽遇蓬篙妻延我開葦戶

鑿寶宛如圭逡巡來叙別頭白顏色鰓饋食頻叫噪假器仍  
乞醯嚮時延我者共拾藿與梨乘我犂犝馬蒙茸大如抵悔  
為青雲意此意良噬臍昔游蜀關下有驛名青泥聞名意慘  
愴若墜牢與狴雲泥異所稱人物一以齊復聞閭闔上下視  
日月低銀城紫珠殿玉版金字題大帝直南北群仙侍東西  
龍虎儼隊仗雷霆轟鼓鼙元君理庭內左右桃花蹊丹霞爛  
成綺素雲輕若綈天池光濼濼瑤草綠萋萋衆真千萬輩柔  
顏盡如莢手持鳳尾扇頭戴翠羽笄雲韶互鏗戛霞服相提  
攜雙雙發皓齒各各揚輕袿天祚樂未極溟波浩無隄穢賤  
靈所惡安肯問黔黎桑田變成海寓縣烹為齏虛皇不願見  
雲霧重重翳大帝安可夢閭闔何由躋靈物可見者願以論  
端倪蟲虵吐雲氣妖氛變虹蜺獲麟書諸冊秦龍醢為醢鳳  
皇占吾同叢雜百鳥栖野鶴啄腥蟲貪饕不如雞山鹿藏窟  
穴虎豹吞其麋靈物比靈境冠履寧甚駭道勝即為樂何神  
居稗稊金張好車馬於陵親灌畦在梁或在火不變玉與鸚  
上天勿行行潛穴勿悽悽吟此青雲論遠觀終不迷

陽城驛

商有陽城驛名同陽道州陽公沒已久感我淚交流昔公孝  
父母行與曾閔儔既孤善兄弟兄弟和且柔一夕不相見若  
懷三歲憂遂誓不婚娶沒齒同衾稠妹夫死他縣遺骨無人  
收公令季弟往公與仲弟留相別竟不得三人同遠遊共負  
他鄉骨歸來藏故丘棲遲居夏邑邑人無苟媮里中競長短  
來問劣與優官刑一朝耻公短終身羞公亦不遺布人自不  
盜牛問公何聽爾忠信先自修發言當道理不顧黨與讐聲  
香漸翕習冠蓋若雲浮少者從公學老者從公遊往來相告  
報縣尹與公侯名落公卿口湧如數萬舟天子得聞之書下



再三求書中願一見天異呈天虬何以持爲聘束帛藉琳球  
何以持爲御駟馬駕安輶公云自挺操事殷不事周我實唐  
士庶食唐之田疇我聞天子憶安敢專自由來爲諫大夫朝  
夕侍冕旒希夷惇薄俗密勿獻良籌神醫不言術人瘼曾暗  
瘳月請諫官俸諸弟相對謀皆曰親戚外酒散目前愁公云  
不有爾安得此嘉猷施餘盡沽酒客來相獻酬日旰不謀食  
春深仍弊裘人心良戚戚我樂獨油油貞元歲云暮朝有曲  
如鉤風波勢奔蹙日月光綢繆齒牙屬爲猾禾黍暗生蠹豈  
無司言者肉食吞其喉豈無司搏者利柄扼如鞴鼻復勢氣  
塞不得辯薰蕕公雖未顯諫惴惴如患瘡飛章八九上皆若  
珠暗投炎炎日將熾積燎無人抽公乃帥其屬決諫同報仇  
延英殿門外叩閣仍叩頭且曰事不止臣諫誓不休上知不  
可過命以美吾州降官司成署俾之爲贅疣姦心不快活擊  
刺礪戈矛終爲道州去天道竟悠悠遂令不言者反以言爲  
訕喉舌坐成木鷹鷂化爲鳩避權如避虎冠豸如冠猴平生  
附我者詩人稱好逑私來一執手恐若墜諸溝送我不出戶  
決我不迴眸唯有太學生各具糧與糒咸言公去矣我亦去  
荒陬公與諸生別步步駐行驕有生不可訣行行過閩甌爲  
師得如此得爲賢者不道州聞公來鼓舞歌且謳昔公居夏  
邑狎人如狎鷗况自爲刺史豈復援鼓桴滋章一時罷教化  
天下適炎瘴不得老英華忽已秋有鳥哭楊震無見悲鄧攸  
唯餘門弟子列樹松與楸今來過此驛若弔汨羅洲祠曹諱  
羊祜此驛何不侔我願避公諱名爲避賢郵此名有深意蔽  
賢天所尤吾聞玄元教日月冥九幽幽陰蔽翳者永爲幽陰  
囚

苦雨

江瘴氣候惡庭空田地蕪煩昏一日內陰暗三四殊巢燕汚  
牀席蒼蠅點肌膚不足生詬怒但苦寡懽娛夜來稍清晏放  
體階前呼未飽風月思已爲蚊蚋圖我受簪組身我生天地  
爐炎蒸安敢勸蟲豸何時無凌晨坐堂廡努力泥中趨官家  
事不了尤悔亦可虞門外竹橋折馬驚不敢踰迴頭命僮御  
向我色踟躕自顧方濩落安能相詰誅隱忍心憤恨翻爲聲  
煦愉逡巡崔嵬日杲曜東南隅已復雲蔽翳不使及泥塗良  
農盡蒲葦厚地積潢汚三光不得照萬物何由蘇安得飛廉  
車磔裂雲將軀又提精陽劔蛟螭支節屠陰沴皆電掃幽妖  
亦雷驅煌煌啓閭闔軋軋掉乾樞東西生日月晝夜如轉珠  
百川朝巨海六龍踏亨衢此意倍寥廓時來本須臾今也泥  
鴻洞龜鼃真得途

種竹并序

昔樂天贈予詩云無波古井水有節秋竹竿予秋來種竹屢  
下因而有懷聊書十韻

昔公憐有直比之秋竹竿秋來苦相憶種竹廳前看失地顏  
色改傷根枝葉殘清風猶淅淅高節空團團鳴蟬聒暮景跳  
蛙集幽欄塵土復晝夜梢雲良獨難丹丘信云遠安得臨仙  
壇瘴江冬草綠何人驚歲寒可憐亭亭幹一一青琅玕孤鳳  
竟不至坐傷時節闌

和樂天贈樊著作

君爲著作詩志激詞且溫璨然光揚者皆以義烈聞千慮竟  
一失冰玉不斷痕謬予頑不肖列在數子間因君譏史氏我  
亦能具陳羲黃耻云遠載籍無遺文煌煌二帝道鋪設在典  
墳堯心唯舜會因著爲話言臯夔益稷禹粗得無間然緬然  
千載後後聖曰孔宣迥知皇王意綴書爲百篇是時游夏輩

不敢措舌端信哉作遺訓職在聖與賢如何至近古史氏爲  
閑官但令識字者竊弄刀筆權由心書曲直不使當世觀貽  
之千萬代疑言相並傳人人異所見各各私所偏以是曰褒  
貶不如都無焉況乃丈夫志用捨貴當年願予有微尚願以  
出處論出非利吾已其出貴道全全道豈虛設道全當及人  
全則富與壽虧則飢與寒遂我一身逸不如萬物安解懸不  
澤手拯溺無折旋神哉伊尹心可以冠古先其次有獨善善  
已不善民天地爲一物死生爲一源合雜分萬變忽若風中  
塵抗哉巢由志堯舜不可遷捨此二者外安用名爲賓持謝  
著書郎愚不願有云

和樂天感鶴

我有所愛鶴毛羽霜雪妍秋望一滴露聲洞林外天自隨衛  
侯去蓬入大夫軒雲貌久已隔玉音無復傳吟君感鶴操不  
覺心惕然無乃予所愛誤爲微物遷因茲諭直質未免柔細  
牽君看孤松樹左右蘿葛纏既可習爲飽亦可薰爲筮期君  
常善救勿令終弃捐

諭寶

沉玉在弱泥泥弱玉易沉扶桑寒日薄不照萬丈心安得潛  
淵虬拔壑超鄧林泥封泰山吐水散旱天霖洗此泥下玉照  
曜臺殿深刻爲傳國寶神器人不侵

冰置白玉壺始見清皎潔珠穿殷紅縷始見明洞澈鑊鄒無  
人淬兩刃幽壤鐵秦鏡無人拭一片埋霧月驥跼環堵中骨  
附筋入節虬蟠尺澤內魚衆哇同穴舩艘無巨海浮浮矜濊  
瀟棟梁無廣廈顛倒卧霜雪大鵬無長空舉翮受羈絏豫樟  
無厚地危抵真碗艱圭璧無卞和甘與頑石列舜禹無陶堯  
名隨腐草滅神功伏神物神物神乃別人神不世出所以神

功絕神物豈徒然用之乃施設禹功九州理舜德天下悅璧  
國充傳璽圭用祈太折木尋豫樟幹九萬大鵬歇棟梁庇生  
民餘艘濟來哲虬騰旱天雨驥騁流電掣鏡懸姦膽露劍拂  
妖虵裂珠生照乘光冰瑩環坐熱此物比在泥斯言為誰發  
于今盡凡耳不為君陳說

說劍

吾友有寶劍密之如密友我實膠漆交中堂共盃酒酒酣肝  
膽露恨不眼前剖高唱荆卿歌亂擊相如缶更擊復更唱更  
舞亦更壽白虹坐上飛青虵匣中吼我聞音響異疑是十將  
鬪為君再拜言神物可見不君言我所重我自為君取迎篋  
已焚香近鞘先澤手徐抽寸寸刃漸屈彎彎肘殺殺霜在鋒  
團團月臨紐逡巡潛虬躍鬱律驚左右霆電滿室光蛟龍逐  
奮走何人為鑄之干將別來久鑄時近山破藏在松桂幽  
質微中埋神人水心守本是泥稽濟果非雷煥有我欲評劍  
功願君良聽受劍可剗犀兕劍可切瓊玖劍決天外雲劍衝  
日中斗劍墮妖虵腹劍拂佞臣首太古初斷鼈武王親擊紂  
燕丹卷地圖陳平縮花綬曾被桂樹枝寒光射林藪曾經鑄  
農器利用剪稂莠神物終變化復為龍牝牡晉末武庫燒脫  
然排戶牖為欲掃群胡散作彌天帚自茲失所徃豪英共為  
詬音苟今復誰人鑄挺然千載後既非古風壺無乃近鷗九自  
我與君遊平生益自負況擎寶劍出重以雄心扣此劍何太  
奇此心何太厚勸君慎所寶所用無或苟潛將辟魑魅勿但  
驚妾婦留斬泓下蛟莫試街中狗古今困泥滓我亦全塵垢  
俗耳驚大言逢人少開口

書異

孟冬初寒月渚澤蒲尚青飄蕭北風起皓雪紛滿庭行過冬

至後凍閉萬物零奔渾馳暴雨驟鼓轟雷霆傳云不終日通  
宵曾莫停瘴雲愁拂地急雷疑注瓶洶湧潢潦濁噴薄鯨鯢  
腥跳趨井哇喜突兀水恠形飛蚋奔不死脩虵蟄再醒應龍  
非時出無乃歲不寧吾聞陰陽戶啓閉各有肩後時無肅殺  
廢職乃玄冥座配五天帝薦用百品珍權爲祝融奪神其焉  
得靈春秋雷電異則必書諸經仲冬雷雨苦願省蒙蔽刑

和樂天折劍頭

聞君得折劍一片雄心起詎憶鐵蛟龍潜在延津水風雲劍  
一合呼吸期萬里雷震山嶽碎電斬鯨鯢死莫但寶劍頭頭  
頭非此比

元氏長慶集卷第二

元氏長慶集卷第三

古詩

松鶴

競渡

寺院新竹

訓別致用

竹部

賽神

競舟

茅舍

後湖

八駿圖

畫松

遣興十首

野節鞭

松鶴

渚宮本劫下佛廟有臺閣臺下三四松低昂勢前却是時晴  
景麗松梢殘雪薄日色相玲瓏纖雲映羅幕逡巡九霄外似  
振風中鐸漸見尺帛光孤飛唳空鶴徘徊耀霜雪顧慕下寒

廓踏動樛盤枝龍虵互跳躍俯瞰九江水旁瞻萬里壑無心  
眈鳥鳶有字悲城郭清角已沉絕虞韶亦冥冥騫翻勿重留  
幸及鈞天作

### 競渡

吾觀競舟子因測大競源天地昔將競蓬勃晝夜昏龍虵相  
噴薄海岱俱崩奔群動皆攪撓化作流渾渾數極鬪心息大  
和蒸混元一氣忽為二蠢然畫乾坤日月復照曜春秋遞寒  
溫八荒坦以曠萬物羅以繁聖人中間立理世了不煩延綿  
復幾歲逮及義與軒炎皇熾如炭蚩尤扇其燔有熊競心起  
驅獸出林樊一戰波委燭再戰火燎原戰訖天下定號之為  
軒轅自是豈無競瑣細不復言其次有龍競競渡龍之門龍  
門浚如瀉漂射不可援赤鱗化時至唐突鱗鬣掀乘風瞥然  
去萬里黃河翻接瞬電延出散吟霹靂喧傍瞻廣宇宙俯敢  
西崑崙庶類咸在下九霄行易捫條辭蛙黽穴遽排天  
迴悲曝鱖者未免鯨鯢吞帝命澤諸夏不弃蟲與昆隨荷布  
膏露稱物施厚恩草木霑我潤豚魚望我蕃嚮來同競帶豐  
料由我存壯哉龍競渡一競身獨尊捨此皆蟻鬪競舟何足  
論

### 寺院新竹

寶地琉璃坼紫苞琅玕踴亭亭巧於削一一大如拱冰碧林  
外寒峯巒眼前聳槎枒矛戟合屹屹龍虵動煙泛翠光流歲  
餘霜彩重風朝竿籟過雨夜鬼神恐佳色有鮮妍修竹無擁  
腫節高迷玉鏃籜綴疑花捧詎必太山根本自仙壇種誰令  
植幽壤復此依閑冗居然霄漢姿坐受藩籬壅噪集勸鳴鳥  
炎昏繁蟻螻未遭伶倫聽非安子猷寵威鳳來有時虛心豈  
無奉

訓別致用

風行自委順雲合非有期神哉心相見無朕安得離我有懇  
憤志三十無人知修身不言命謀道不擇時達則濟億兆窮  
亦濟毫釐濟人無大小誓不空濟私研機未淳熟與世忽參  
差意氣一為累猜仍良已隨昨來竄荆蠻分與平生隙那言  
返為遇獲見心所竒一見肺肝盡坦然無滯疑感念交契定  
淚流如斷縻此交定生死非為論盛衰此契宗會極非謂同  
路岐君今虎在匣我亦鷹就羈馴養保性命安能奮殊姿玉  
色深不變井水撓不移相看各年少未敢深自悲

竹部石首縣界

竹部竹山近歲伐竹山竹伐竹歲亦深深林隔深谷朝朝冰  
雪行夜夜豺狼宿科首霜斷蓬枯形燒斲餘木一凍十餘莖  
千錢百餘束尋錢盈千百粟盈十斛不買食父子分  
言爾生何太感

賽神

楚俗不事事巫風事妖神事妖結妖社不問踈與親年年十  
月暮珠稻欲垂新家不斂穫賽妖無富貧殺牛貫官酒椎  
鼓集頑民喧闐里閭隘兇酗日夜頻歲暮雪霜至稻珠隨隴  
漚吏來官稅迫求質倍稱緡貧者日消鑠富亦無吝困不謂  
事神苦自言誠不真岳陽賢刺史念此為俗屯未可一朝去  
俾之為等倫粗許存習俗不得呼黨人但許一日澤不得月  
與旬吾聞國僑理三年名乃振巫風燎原久未必憐徙薪我  
來歌此事非獨歌政仁此事四鄰有亦欲聞四鄰

競舟

楚俗不愛方費力為競舟買舟俟一競競歛貧者賦年年四  
五月鹽實麥小秋積水堰堤壞拔秧蒲稗稠此時集丁壯習  
競南畝頭朝飲村社酒暮推鄰舍牛祭舩如祭祖習競如習  
讎連延數十日作業不復憂君侯饌良吉會客陳膳羞畫鷁  
四來合大競長江流建標明取捨勝負死生求一時謹呼罷  
三月農事休岳陽賢刺史念此為俗疣習俗難盡去聊用去  
其尤百舩不留一一競不滯留自為里中戲我亦不寓遊吾  
聞管仲教沐樹懲墮遊節此淫競俗得為良政不我來歌此  
事非獨歌此州此事數州有亦欲聞數州

茅舍

楚俗不理居居人盡茅舍茅苦竹梁棟茅踈竹仍罅邊綠隄  
岸斜詰屈簷楹亞籬落不蔽肩街衢不容駕南風五月盛時  
雨下來下竹蠹茅亦乾印風自焚也防虞集鄰里巡警  
夜遺燼一星然連延禍相嫁號呼憐穀帛奔走伐桑柘舊  
已新焚新茅又初架前日洪州牧韋大念此常嗟訝牧民未  
及久郡邑紛如化峻邱儼相望飛甍遠相跨旗亭紅粉泥佛  
廟青鴛瓦去聲斯事纔未終斯人久云謝有客自洪來洪民至  
今藉惜其心太亟作役無容暇臺觀亦已多工徒稍寬宅我  
欲他郡長三時務耕稼農收次邑居先室後臺榭啓閉既及  
期公私亦相借度材無強略庀役有定價不使及僭差粗得  
禦寒夏火至殊陳鄭人安極嵩華誰能繼此名名流襲蘭麝  
五袴有前聞斯言我非詐

後湖

荆有泥潭水在荆之邑郭郭前水在後謂之為後湖環湖十  
餘里歲積潢與污臭腐魚鱉死不植菰與蒲鄭公理三載嚴  
經其理用煦愉歲稔民四至隘廛亦隘衢公乃署其地為民



先矢謨人人儻自爲我亦不庀徒下俚得聞之各各相俞俞  
提攜翁及孫捧戴婦與姑壯者負礫石老亦捭茅芻斤磨片  
片雪椎隱連連珠朝殮布庭落夜宿完戶樞鄰里近相告親  
戚遠相呼鬻者自爲鬻酤者自爲酤雞犬豐中市人民岐下  
都百年廢滯所一旦奧浩區我實司水土得爲官事無人言  
賤事貴貴直不貴諛此實公所小安用歌袴襦荅云潭及廣  
以至鄂與吳萬里盡澤國居人皆墊濡富者不容蓋貧者不  
庇軀得不歌此事以我爲楷模

八駿圖詩

并序

良馬無世無之然而終不得與八駿並名何也吾聞八駿日  
行三萬里夫車行三萬里而無毀輪壞轆之患蓋神車者行  
三萬里而無喪精褫魄之患亦神之人也無是三神而得是  
八馬乃破車掣御躓人之乘也世焉用之今夫畫古者畫馬  
而不畫車馭不畫所以乘馬者是不知夫古者也予因作詩  
以辨之

穆滿志空闊將行九州野神馭四來歸天與八駿馬龍種無  
凡性龍行無暫捨朝辭扶桑底暮宿崑崙下鼻息吼春雷蹄  
聲裂寒瓦尾掉滄波黑汗染白雲赭華輶木脩密翠蓋尚妍  
冶御者腕不移乘者寐不假車無輪扁斲轡無王良把雖有  
萬駿來誰是敢騎者

畫松

張璪畫古松徃徃得神骨翠帚掃春風枯龍戛寒月流傳畫  
師輩奇態盡埋沒纖枝無蕭灑頑幹空突兀乃悟埃塵心難  
狀煙霄質我去浙陽山深山看真物

遣興十首

始見梨花房坐對梨花白行看梨葉青已復梨葉赤嚴霜九

月半危帶幾時客況有高高原秋風四來迫

莫厭夏日長莫悲冬日短欲識短復長君看寒又暖城中百

萬家冤哀雜絲管草沒奉誠園軒車昔曾滿

孤竹迸荒園誤與蓬麻列久擁蕭蕭風空長高高節嚴霜蕩

群穢蓬斷麻亦折獨立轉亭亭心期鳳皇別

豔豔剪紅英團團削翠莖託根在褊淺因依泥滓生中有合

歡藥池枯難遽呈涼宵露華重低徊當月明

晚荷猶展卷早蟬遽蕭嘹露葉行已重況乃江風搖炎夏火

再伏清商暗迴颯寄言抱志士日月東西跳

買馬買鋸牙買犢買破車養禽當養鶻種樹先種花人生負

俊健天意與光華莫學蚯蚓輩食泥近土涯

愛直莫愛夸愛疾莫愛斜愛謨莫愛詐愛施莫愛奢擇才不

求藉任物不過涯用人如用已理國如理家燿燿刀刃光彎彎弓面張入水斬犀兕入山椎虎狼

老少喚作癡兒郎一日風雨會橫金歸故鄉

團團規內星未必明如月託跡近北辰周天無淪沒老人在

南極地遠光不發見則壽聖明願照高高闕

河清諒嘉瑞滌滌黃吾帝真聖人時哉不我夢此時為廢民

光陰本跳躑功業勞苦辛一到江陵郡三年成去塵

### 野節鞭

神鞭鞭宇宙玉鞭鞭騏驎繫綬野節鞭木用鞭品使古鞭

甚長使君馬亦利司馬並馬行司馬馬顛顛短鞭不可施疾

步無由致使君駐馬言願以長鞭遺此遺不尋常此鞭不容

易金堅無繳遶玉滑無塵膩青虵坼生石不刺山阿地烏龜

旋眼班不染江頭淚長看雷雨痕未忍駑駘試持用換所持

無令等閑弃荅云君何奇贈我君所貴我用亦不凡終身保

明義誓以鞭姦頑不以鞭蹇躓指搗狡兔蹤決撻恠平龍睡  
惜令寸寸折節節不虛墜因作換鞭詩詩成謂同志而我得  
聞之笑君年少意安用換長鞭鞭長亦奚為我有鞭尺餘泥  
拋風雨漬不擬閑贈行唯將爛誇醉春來信馬頭款緩花前  
轡願我遲似孿饒君疾如翅

元氏長慶集卷第三

元氏長慶集卷第四

古詩

旱災自咎貽七縣宰同州

蟲豸

蝮蜂

蟻子

浮塵子三首

楚歌十首江陵時作

賦得魚登龍門

塞馬

感事三首此後並是學士時詩

旱災自咎貽七縣宰同州

題翰林東閣前小松

鹿角鎮洞庭湖中地名

貞元曆是歲秋八月太上改永貞傳位今皇帝

襄陽道

蟲

蟆子

蜘蛛

巴蛇

吾聞上帝心降命明且仁臣稔苟有罪胡不災我身胡為旱

一州禍此千萬人一旱猶可忍其旱亦已頻臘雪不滿地膏  
雨不降春惻惻詔書下半減麥與緡半租豈不薄尚竭力與  
筋竭力不敢憚慚戴天子恩纍纍婦拜姑啞啞翁語孫禾黍  
日夜長足得盈我困還填折粟稅酬償貴麥鄰苟無公私責  
飲水不爲貧歎言未盈口旱氣已再振六月天不雨秋孟亦  
既旬區區昧陋積禱祝非不勤日馳衰白顏再拜泥甲鱗歸  
來重思忖願告諸邑君以彼天道遠豈如人事親團團囹圄  
中無乃寃不申擾擾食廩內無乃姦有因軋軋輸送車無乃  
使不倫遙遙負檐卒無乃役不均今年無大麥計與珠玉濱  
村胥與里吏無乃求取繁符下斂錢急值官因酒嗔誅求與  
撻罰無乃不逡巡生小下俚住不曾州縣門訴詞千萬恨無  
乃不得聞強豪富酒肉窮獨無芻薪俱由案牘吏無乃移禍  
屯官分市井戶失配水陸珍未蒙所賞直無乃不敢言有一  
於此事安可尤蒼旻借使漏刑憲得不虞鬼神自顧頑泔牧  
坐貽災沴臻上羞朝廷寄下媿閭里民豈無神明宰爲我同  
苦辛共布慈惠語慰此衢客塵

蟲豸詩七首并序

天之居物於地也有獸宜山宜穴魚宜水宜泥鳥宜木宜洲  
蟲宜草宜腐穢風雨會而寒暑時山川正而原野平行然後  
郭開屋室以州之人之宜人不得其宜而之鳥獸蟲魚之所  
宜非蟲魚獸鳥之罪也然而自非聖賢人失所宜未嘗無不  
得宜之歎云始辛卯年予掾荊州之地洲渚濕墊其動物宜  
介其毛物宜翅羽予所舍又荊州樹木洲渚處晝夜常有翅  
羽百族鬧心不得閒靜因爲有鳥二十章以自達又數年司  
馬通州郡通之地叢穢卑褊丞瘴陰鬱焰爲蟲虵備有辛螫  
虵之毒百而鼻塞者尤之蟲之輩亦百而蝨蟻音莫浮塵蜘蛛

蟻子蝮蜂之類最甚害人其土民具能攻其所毒亦往往合於方籍不知者遭輒死予因賦其七蟲為二十一章別為序以備瑣細之形狀而盡藥石之所宜庶亦叔敖之意焉

巴蛇三首并序

巴之蛇百類其大蟒其毒寒鼻蟒人常不見寒鼻常遭之毒人則毛髮皆豎起飲溪澗而泥沙盡沸驗方云攻巨蟒用雄黃煙被其腦則裂而鸚鳥能食其小者巴無是物其民常用禁術制之尤効

巴蛇千種毒其最鼻寒蛇掉舌翻紅焰盤身感白花噴人豎毛髮飲浪沸泥沙欲學叔敖瘞其如多似麻

越嶺南濱海武都西陷戎雄黃假名石鸚鳥遠難籠詎有隳腸計應無破腦功巴山晝昏黑妖霧毒濛濛

莫帝所地劍晉時堯上天自茲繁巨蟒生壽千年白豎應

蝮蜂三首并序

蝮蜂類而大巢在寒鼻蛇穴下故毒螫倍諸蜂蠶中手足輒斷落及心胃則圯裂用它蜂中人之方療之不能愈巴人往往持禁以制之則差

巴蛇蟠窟穴穴下有巢蜂近樹禽垂翅依原獸絕蹤微遭斷手足厚毒破心胃昔甚招魂句那知眼自逢

梨笑清都月京開元觀蜂游紫殿春構脾分部伍嚼葉奉君親翅羽頗同類心神固異倫安知人世裏不有噬人人

蘭蕙本同畹蜂蛇亦雜居害心俱毒螫妖焰兩吹噓雷螫吞噬止枯焚巢穴除可憐相濟惡勿謂禍無餘

蜘蛛三首并序

巴蜘蛛大而毒其甚者身邊數寸而跼長數倍其身網羅竹

栢盡死中人瘡痂溼濕且痛癢倍常用雄黃苦酒塗所嚙仍  
用鼠婦蟲食其絲盡輒愈療不速絲及心而療不及矣  
蜘蛛天下足巴蜀就中多縫隙容長踣虛空織橫羅縈纏傷  
竹栢吞噬及蟲蛾爲送佳人喜珠櫛無柰何

網密將求食絲斜誤著人因依方託緒挂骨遂容身截道蟬  
冠礙漫天玉露頻兒童憐小巧漸欲及車輪

稚子憐圓網佳人祝喜絲那知緣暗隙忽復嚙柔肌毒腠攻  
猶易焚心療恐遲看看長妖緒和扁欲漣漣

蟻子三首并序

巴蟻衆而善攻揅揅往往木容完具而心節朽壞屋居者不  
省其微而禍成傾壓

蟻子生無處偏因濕處生陰靈煩擾攘拾粒苦罵諍蟻上  
主人病耳中虛藏鳴雷霆不省聞汝作牛聲

時術功雖細年深禍亦成攻穿漏江海嗜食困蛟鯨敢憚位  
保蠹深藏柱石傾寄言持重者微物莫全輕

攘攘終朝見悠悠卒歲疑詎能分牝牡焉得有蝼蛄蟻卵徙市  
竟何意生涯都幾時巢由或逢我應似我相期

蟆子三首并序

蟆蚊類也其實黑而小不礙紗縠夜伏而晝飛聞柏煙與麝  
香輒去蚊蟆與浮塵皆巴蛇鱗中之細蟲耳故嚙人成瘡秋  
夏不愈膏楸葉而傳之則差

蟆子微於蚋朝繁夜則無毫端生羽翼針喙嗜肌膚暗毒應  
難免羸形日漸枯將身遠相就不敢恨非辜

晦景權藏毒明時敢噬人不勞生妬怒祇足助酸辛隼昔看  
無物虵軀庇有鱗天方芻狗我甘與爾相親

有口深堪異趨時詎可量誰令通鼻息何故辨馨香沉水來

滄海崇蘭泛露光那能枉焚蕪爾衆我微茫

浮塵子三首并序

浮塵蠹類也其實微不可見與塵相浮而上下人苦之往往蒙絮衣自蔽而浮塵輒能通透及人肌膚亦巢巴蛇鱗中故攻之用前術

可歎浮塵子纖埃喻此微寧論隔紗幌并解透綿衣有毒能成瘡無聲不見飛病來雙眼暗何計辨雰霏乍可巢蛟睫胡為附鱗鱗已微於蠹蠹仍害及仁人動植皆分命毫芒亦是身哀哉此幽物生死敵浮塵但覺皮膚憊安知瑣細來因風吹薄霧向日誤輕埃暗嚼堪銷骨潛飛有禍胎然無防備處留待雪霜摧

蝨三首并序

巴山谷間春秋常雨自五六月至八九月雨則多蝨道俗皆飛噬馬牛血及蹄角旦暮尤極繁多人常用日中時趨程雪霜而後盡其嚙人痛劇浮蠹而不能毒留肌故無療術陰深山有瘴濕墊草多蝨衆噬鋒刀毒群飛風雨聲汗粘瘡瘡痛日曝苦辛行飽爾蛆殘腹安知天地情千山溪滂石六月火燒雲自顧生無類那堪毒有群博牛皮若截噬馬血成文蹄角尚如此肌膚安可云辛螫終非久炎涼本逸興秋風自天落夏孽與霜澄一鏡開潭面千鋒露石積氣平蟲牙死雲路好攀登

楚歌十首江陵時作

楚人千萬戶生死繫時君當壁便為嗣賢愚安可分干戈長浩浩篡亂亦紛紛縱有明在下區區何足云陶虞事已遠尼父獨將明潛穴龍無位幽林蘭自生楚王謀授邑此意復中傾未別子西語縱來何所成

平生漸昏惑無極轉承恩子建猶相貳伍奢安得存生居宮  
雉悶死葬寢園尊豈料奔吳士鞭屍郢市門

懼盈因鄧曼罷獵爲樊姬盛德留金石清風鑒薄唯襄王忽  
妖夢宋玉復淫詞萬事捐官館空山雲雨期

夷甫坐占紫微垣看著五胡亂清談空自專  
誰恃王深寵誰爲楚上卿包胥心獨許連夜哭秦兵千乘徒

虛爾一夫安可輕殷勤聘名士莫但倚方城  
舉業雄圖盡遺孫世運消宣明徒有號江漢不相朝碑碣高

臨路松枝半作樵唯餘開聖寺猶學武皇妖  
江陵南北道長有遠人來死別登舟去生心上馬迴榮枯誠

異日今古盡同灰巫峽朝雲起荆王安在哉  
三峽連天水奔皮萬里來風壽各自急前後苦相推到入黃

牛游驚衝灑灑堆古今流不盡流去不曾迴  
八荒同日月萬古共山川生死既由命興衰還付天栖栖王

粲賦憤憤屈平篇各自埋幽恨江流終宛然  
襄陽道

羊公名漸遠唯有峴山碑近日稱難繼曹王任馬羣椒蘭俱  
下世城郭到今時漢水清如玉流來本爲誰

賦得魚登龍門用登字

魚貫終何益龍門在苦登有成當作雨無用耻爲鵬激浪誠  
難泝雄心亦自憑風雲潛會合鬚鬣忽騰凌泥滓辭河濁煙  
霄見海澄迴瞻順流輩誰敢望同升

貞元曆是歲秋八月太上改  
貞傳位今皇帝

象魏纔頒曆龍鑣已御天猶看後元曆新署永貞年半歲光  
陰在三朝禮數遷無因書簡冊空得詠詩篇



塞馬

塞馬倦江渚今朝神彩生曉風寒獵獵乍得草頭行夷狄寢  
烽候關河無戰聲何由當陣面從爾四蹄輕

鹿角鎮湖廣中地名

去年湖水滿此地覆行舟萬姓吹高浪千人死亂流誰能問  
帝子何事寵陽侯漸恐鯨鯢大波濤及九州

感事三首

此後並是學士時詩

為國謀羊舌從來不為身此心長自保終不學張陳  
自笑心何劣區區辨所寃伯仁雖到死終不向人言  
富貴年皆長風塵舊轉稀白頭方見絕遙為一霑衣

題翰林東閣前小松

簷礙脩鱗亞霜侵簇翠黃唯餘入琴韻終待舜絃張

元氏長慶集卷第四  
元氏長慶集卷第五

古體詩

清都夜境

春晚寄楊十二

永壽寺看牡丹

春餘遣興

憶雲之

別李三

秋夕遠懷

東西道

分流水

西還

含風夕

秋堂夕

酬樂天

楊子華畫

西州院

臺中鞠獄憶舊事

韋氏館泛舟

劉氏館集隱客

寄隱客

投吳端公崔院長

清都夜境

自此至秋夕七首並年十六至十八時作

夜久連觀靜斜月何晶熒寥天如碧玉歷歷綴華星樓榭自  
陰映雲牖深冥冥纖埃悄不起玉砌寒光清栖鶴露微影枯  
松多恠形南廂儼容衛音響如可聆啓聖發空洞朝真趨廣  
庭閑開藥珠殿暗閱金字經屏氣動方息凝神心自靈悠悠  
車上馬浩思安得寧

春晚寄楊十二兼呈趙八

時楊生館於趙氏

蒙蒙竹樹深簾牖多清陰避日坐林影餘花委芳襟傾樽就  
殘酌舒卷續微吟空際颺高蝶風中聆素琴廣庭備幽極復  
對商山岑獨此愛時景曠懷雲外心遷鶯戀嘉木求友多好  
音自無琅玕實安得蓮花簪寄之二君子希見雙南金

與楊十二李三早入永壽寺看牡丹

曉入白蓮宮琉璃花界淨開敷多喻草凌亂被幽徑  
也補當霞日輪映蝶舞香暫颺降牽紫難正籠處綵  
湛紅珠瑩結葉影自交搖風光不定繁華有時節安得保全  
盛色見盡浮榮希君了真性

春餘遣興

春去日漸遲庭空草偏長餘英間初實雪絮紫珠網好鳥多  
息陰新篁已成響簾開斜照入樹裊游絲上絕跡念物閑良  
時契心賞單衣頗新綽虛室復清敞置酒奉親賓樹萱自怡  
養笑倚連枝花恭扶瑞藤杖步屨恣優游望山多氣象雲葉  
遙卷舒風裾動蕭爽簪纓固煩雜江海徒浩蕩野馬籠赤霄  
無由負羈鞅

憶雲之

為魚實愛泉食辛寧避蓼人生既相合不復論窈窕滄海良  
有窮白日非長皎何事一人心各在四方表泛若逐水萍居  
為附松蒿流浪隨所之縈紆牽所繞百齡頗踟促况復迷壽

天艾髮君已衰冠歲予非小娛樂不及時暮年壯心少感此  
幽念綿遂爲長悄悄中庭草木春歷亂遞相擾奇樹花冥冥  
竹竿鳳裊裊幽芳被蘭徑安得寄天抄萬里滯湘魂夜夜南  
枝鳥

別李三

階竄附瑤砌藜蘭偶芳藿高位良有依幽姿亦相託鮑叔知  
我貧烹葵不爲薄半面契始終千金比然諾人生繫時命安  
得無苦樂但感遊子顏又值餘英落蒼蒼秦樹雲去去緱山  
鶴日暮分手歸楊花滿城郭

秋夕遠懷

旦夕天氣爽風飄葉漸輕星繁河漢白露逼衾枕清丹鳥月  
中滅莎雞牀下鳴悠悠此懷抱況復多遠情

東西道

天長開四極便有東西道萬古閱行人行人幾人老  
行者息陰何不早少壯塵事多那言壯年好

分流水

古時愁別淚滴作分流水日夜東西流分流水幾千里通塞兩  
不見波瀾各自起與君相背飛去去心如此

西還

悠悠洛陽夢鬱鬱灞陵樹落日正西歸逢君又東去

含風夕

此後拾遺時作

炎昏勸煩久逮此含風夕夏服稍輕清秋堂已岑寂載欣涼  
宇曠復念佳辰擲絡緯驚歲功顧我何成績青熒微月鈞幽  
暉洞陰魄水鏡涵玉輪若見淵泉壁參差簾牖重次第籠虛  
白樹影滿空牀螢光綴深壁悵望牛斗星復爲經年隔露網  
裊風珠輕河泛遙碧詎無深稠景感此年流易亦有遲暮年

壯年良自惜循環切中感感今追往昔接瞬無停陰何言問  
陳積馨香推蕙蘭堅貞諭松栢生物固有涯安能比金石況  
茲百齡內擾擾紛衆役日月東西馳飛車無留跡來者良未  
窮去矣定奚適委順在物爲營營復何益

秋堂夕

炎涼正迴互金火鬱相乘雲雷暗交構川澤方蒸騰清風一  
朝勝白露忽已凝草木凡氣盡始見天地澄況此秋堂夕幽  
懷曠無朋蕭條簾外雨倏閃案前燈書卷滿牀席蟪蛄懸復  
升啼兒屢啞咽勸僮時寢興泛覽昏夜目詠謠暢煩膺況吟  
獲麟章欲罷久不能堯舜事已遠丘道安可勝蜉蝣不信鶴  
蜩鷗肯窺鵬當年且不偶歿世何必稱胡爲揭聞見喪敗賤  
愛憎焉用汨其泥豈在清如冰非白又非黑誰能點青蠅處  
世苟無悶羊王道非私無言被人覺予亦笑孫登

酬樂天

予爲拾遺

放鶴在深水置魚在高枝升沉或異勢同謂非所宜君爲邑  
中吏皎皎鸞鳳姿顧我何爲者翻侍白玉墀昔作芸香侶三  
載不暫離逮茲忽相失旦夕夢夢思崔巍驪山頂宮樹遙參  
差祗得兩相望不得長相隨多君歲寒意裁作秋興詩上有  
風塵苦下言時節移官家事拘束安得攜手期願爲雲與雨  
會合天之垂

楊子華畫三首

楊畫遠於展何言今在茲依然古糝服但感時節移念君一  
朝意遣我千載思子亦幾時客安能長苦悲  
皓腕卷紅袖錦鞬臂蒼鸚故人斷絃心稚齒從禽樂當年惜  
貴遊遺形寄丹艸骨象或依稀鉛華已寥落似對古人民無  
復昔城郭子亦觀病身色空俱寂寞

顛倒世人心紛紛之公是真賞畫不成畫賞真相似丹青各  
所尚工拙何足恃求此妄中精哀哉子華子

西州院 東川官舍

自入西州院唯見東川城今夜城頭月非暗又非明文案牀  
席滿卷舒賊罪名慘悽且煩勸弃之階下行悵望天迴轉動  
搖萬里情參辰次第出牛女顛倒傾況此風中柳枝條千萬  
莖到來籬下筍亦已長短生感愴正多緒鷓鴣相喚驚墻上  
杜鵑鳥又作思歸鳴以彼撩亂思吟為幽怨聲吟罷終不寢  
蓼蓼復鐺鐺

臺中鞠獄憶開元觀舊事呈損之兼贈周兄四十

韻

憶在開元觀食栢練玉顏踈慵日高卧自謂輕人窶李生隔  
齋主隔牆如我隔文章裁文章不識先來月橋負十過乃一  
成杜杜還以我文章甚堪編因言辛庾輩亦願放蕭  
孱既迴數子顧展轉相連攀驅令選科目若在闈與闈學隨  
塵土墜漫數公卿關唯恐壞情性安能懼謗訕還招辛庾李  
靜處盃巡環進取果由命不由趨險艱穿楊二三子弓矢次  
第孿推我亦上道再聯朝士班二月除御史三月使巴蠻蠻  
民詰竹感反誦訴嚙指明痛瘵憐蠻不解語為發昏師姦歸來  
五六月旱色天地殷分司別兄弟各各淚潛潛哀哉劇部職  
唯數賊罪緩死款依稀取鬪辭方便刪道心常自愧柔髮難  
久顯折支望車乘支痛誰置患奇哉乳臭兒緋紫綳被間漸  
大官漸貴漸富心漸慳鬧裝轡頭觸靜拭腰帶斑鷓子繡線  
鞞鞞狗兒金油去聲鑲香湯洗驄馬翠篋籠白鵬月請公主封冰  
受天子頒開筵試歌舞別宅寵妖嬈坐卧摩綿褥捧擁絨絲  
髮旦夕不相離比翼若飛鸞而我亦何苦三十身已鰥愁吟

心骨顛寒卧支體瘳

五閑反又渠云反

居處雖幽靜尤悔少愉懶不

如周道士鶴嶺臨鐘灣繞院松瑟瑟通畦水潺潺陽坡自尋  
蕨村沼看漚管窮通兩未遂管管真老閑

韋氏館與周隱客杜歸和泛舟

天色低澹澹池光漫油油輕舟閑繳繞不遠池上樓時物欣  
外獎真元隨內修神恬津藏滿氣委支節柔衆處豈自異曠  
懷誰我儔風車籠野馬八荒安足遊開顏陸渾社握手靈都  
周持君寶珠贈頂戴頭上頭

劉氏館集隱客歸和子元及之子蒙晦之

濕墊綠竹徑寥落護岸冰偶然沽市酒不越四五升詩客愛  
時景道人話升騰笑言各有趣悠哉古孫登

寄隱客

我年三十二鬢有八九絲非無官次第其如身早衰令人夸  
貴富肉食與妖姍而我俱不樂貴富亦何為泥途多上  
俊若布基班行次第立朱紫相參差謨猷密勿進羽檄縱橫  
馳監察官甚小發言無所裨小官仍不了譴奪亦已隨時成  
不之弃得不自弃之陶君喜不遇顧我復何疑潛書周隱士  
白雲今有期

元和五年予官不了罰俸西歸三月六日至陝府

與吳十一兄端公崔二十二院長思愴曩游因投

五十韻

小年閑愛春認得春風意未有花草時先醲曉窓睡霞朝澹  
雲色霽景牽詩思漸到柳枝頭川光始明媚長安車馬客傾  
心奉權貴晝夜塵土中那言早春至此時我獨遊我遊有倫  
次閑行曲江岸便宿慈恩寺扣林引寒龜疏叢出幽翠凌晨  
過杏園曉露凝芳氣初暘好明淨嫩樹憐低庠排房似綴珠

欲啼紅臉淚新鷺語嬌小淺水光流利冷飲空腹杯因成日  
高醉酒醒聞飯鍾隨僧受遺施餐罷還復遊過從上文記行  
逢二月半始足遊春騎是時春已老我遊亦云旣藤開九華  
觀草結三條隧新筍踴犀株落梅翻蝶翅名倡繡轂車公子  
青絲轡朝士遇旬休豪家得春賜提攜好音樂剪鏟空田地  
同占杏花園喧闐各叢萃顧予煩寢興復往散憔悴倦僕色  
肌羸蹇驢行跛痺春衫未成就冬服漸塵膩傾盖吟短章書  
空憶難字遙聞公主笑近被王孫戲邀我上華筵橫頭坐賓  
位那知我年少深解酒中事能唱犯聲歌偏精變籌義合詞  
待殘拍促舞遞繁吹叫噪擲投盤生獰攝觥使逡巡光景晏  
散亂東西異古觀閉閑門依然復幽閔無端矯情性漫學求  
科試薄藝何足云虛名偶頻遂拾遺天子前密奏升平議在  
見不須史儉庸已情思朝音香案好暮作風塵尉去歲又登  
朝登彩相臺官相才縛不諱放情志寓直勞送迎上  
煩避諱分司在東洛所職尤不易罰俸得西歸心知受朝庇  
常山攻小寇淮右擇良帥國難身不行勞生欲何為吾兄諳  
性靈崔子同臭味投此挂冠詞一生還自恣

元氏長慶集卷第五

元氏長慶集卷第六

古體

寄吳士矩

宿層峯館寄樂天

酬樂天書懷

酬樂天登樂遊園

酬樂天早夏

酬樂天勸醉

和樂天初授戶曹

和樂天贈吳丹

和樂天秋題曲江

和樂天月夜作

和樂天秋題牡丹

春月

月臨花

紅芍藥

送王十一南行

三歎

遺書

冬夜懷李侍御

西齋小松

周先生

寄吳士矩端公五十韻

此後並江陵士曹時作



昔在鳳翔日十歲即相識未有好文章逢人賞顏色可憐何

郎面誤生何郎二十纔冠飾短髮予近梳羅衫紫蟬翼伯舅各

驕縱仁兄未摧抑事業若盃盤詩書甚微繹西州戎馬地賢

豪事雄特百萬時可贏十千良易借寒食桐陰下春風柳林

側藉草送遠遊列筵酬博塞萎蕤雲幕翠璨爛紅茵艷鱸縷

輕似絲香醅膩如織將軍頻下城佳人盡傾國媚語嬌不聞

纖腰軟無力歌詞妙宛轉舞態能剜刻箏弦玉指調粉汗紅

綃拭予時最年少專務酒中職未能媿生獐偏矜任狂直曲

庇桃根盞橫講捎雲式亂布鬪分朋惟新聞讒慝耻作最先

吐羞言未朝食醉眼漸紛紛酒聲頻餒餒愛黑反扣節參差亂

飛觥往來織強起相維持翻成兩匍匐邊霜颯然降戰馬嗚

不息但喜秋光麗誰憂塞雲黑常隨獵騎走多在豪家匿夜

飲大既明朝歌日還吳荒狂歲云久名利心替逼時輩多得

途親朋屢相救閑因適農野忽復愛稼穡平生中聖人翻然

腐腸賊亦從酒仙去便被書魔惑脫跡壯士場甘心堅儒域

矜持翠筠管敲斷黃金勒屢益蘭膏燈猶研兔枝墨崎嶇來

掉蕩矯枉事沉默隱笑甚艱難歛容還劣削與君始分散勉

我勞修飾歧路各營營別離長惻惻行看二十載萬事絲何

極相值或須更安能洞曾臆昨來陝邽會悲歡兩難克問我

新相知但報長相憶豈無新知者不及小相得亦有生歲游

同年不同德爲別詎幾時伊予墜溝洫大江鼓風浪遠道參

荆棘往事返無期前途浩難測一旦得自由相求北山北

三月二十四日宿曾峯館夜對桐花寄樂天

微月照桐花月微花漠漠怨澹不勝情低徊拂簾幕葉新陰

影細露重枝條弱夜久春恨多風清暗香薄是夕遠思君思

君瘦如削但感事睽違非言官好惡奏書金鑿殿步履青龍

閣我在山館中滿地桐花落

酬樂天書懷見寄

之本題云初與微之別後忽夢見及寤而微之書至兼覽桐花

新昌北門外與君從此分街衢走車馬塵土不見君君為分

手歸我行行不息我上秦嶺南君直樞星北秦嶺高崔嵬商

山好顏色月照山館花裁詩寄相憶天明作詩罷草草從所

如憑人寄將去三月無報書荊州白日晚城上鼓鼙襲行逢

賀州牧致書三四封封題樂天字未坼已霑裳坼書八九讀

淚落千萬行中有酬我詩句句截我腸仍云得詩夜夢我魂

淒涼終言作書處上直金鑾東詩書費一夕萬恨緘其中中

宵宮中出復見宮月斜書罷月亦落曉燈垂暗花想君書罷

時南望勞所思況我江上立吟君懷我詩懷我浩無極江水

秋正深清見萬文底照我平生心感君求友什因報壯士吟

謝衆人口銷盡猶是金

酬樂天登樂遊園見憶

昔君樂遊園悵望天欲曛今我大江上快意波翻雲秋空壓

澶漫瀕洞無垢氛四顧皆豁達我眉今日伸長安隘朝市百

道走埃塵軒車隨對列骨肉非本親誇遊丞相第偷入常侍

門愛君直如髮勿念江湖人

酬樂天早夏見懷

庭柚有垂實鸞巢無宿雛我亦辭社鷺茫茫焉所如君詩夏

方早我歎秋已徂食物風土異衾裯時節殊荒草滿田地近

移江上居八日復切九月明侵半除

酬樂天勸醉

神麴清濁酒牡丹深淺花少年欲相飲此樂何可泚沉機造

神境不必悟楞加醜顏返童貌安用成丹砂劉伶稱酒德所

稱良未多願君聽此曲我為盡稱嗟一杯顏色好十盞膽氣  
加半酣得自恣酩酊歸太和共醉真可樂飛觥掠亂歌獨醉  
亦有趣兀然無與他美人醉燈下左右流橫波王孫醉牀上  
顛倒眠綺羅君今勸我醉勸醉意如何

和樂天初授戶曹喜而言志

王爵無細大得請即為恩君求戶曹掾貴以祿奉親聞君得  
所請感我欲霑巾今人重軒冕所重華與紛矜誇仕臺閣奔  
走無朝昏君衣不盈篋君食不滿困君言養既薄何以榮我  
門披誠再三請天子憐儉貧詞曹直文苑捧詔榮且忻歸來  
高堂上兄弟羅酒罇各稱千萬壽共飲三四巡我實知君昔  
下里能具陳感君求祿意求祿殊衆人上以奉顏色餘以及  
親賓弄名不奔實謀養不謀身可憐白華士永願凌青雲

和樂天贈吳丹

不識吳生面久知吳生道跡雖染世名心本奉天老雌一守  
命門迴九填血腦委氣榮衛和咽津顏色好傳聞共甲子哀  
隕盡枯槁獨有冰雪容纖華奪鮮縮問人何能爾吳實曠懷  
抱弁冕徒挂身身外非所寶伊予固童昧希真亦云早石壇  
玉晨尊晝夜長自掃密印視丹田遊神夢三島萬過黃庭經  
一食青精稻稟搜方朔桃結念安期棗綠髮幸未改丹誠自  
能保行當擺塵纓吳門事探討君為先此詞終期寒瑤草

和樂天秋題曲江

十載定交契七年鎮相隨長安最多處多是曲江池梅杏春  
尚小芰荷秋已衰共愛寥落境相將偏此時綿綿紅蓼水颺  
颺白鷺鷺詩句偶未得酒盃聊久持今來雲雨曠舊賞魂夢  
知況乃江楓夕和君秋興詩

和樂天別弟後月夜作

聞君別愛弟，明天照夜寒。秋鴈拂簷影，曉琴當砌彈。悵望天澹澹，因思路漫漫。吟爲別弟操，聞者爲辛酸。況我兄弟遠，一身形影單。江波浩無極，但見時歲闌。

和樂天秋題牡丹叢

弊宅豔山卉，引來長歎息。吟君晚叢詠，似見摧墮色。欲識別後容，勤過晚叢側。

春月

春月雖至明，終有靄靄光。不似秋久色，逼人寒帶霜。纖粉澹  
虛壁，輕烟籠半牀。分暉間林影，餘照上虹梁。病久座中閒，夜  
閑清興長。擁袍顛倒領，步履東西廂。風柳結柔條，露梅飄暗  
香。雪含櫻綻藥珠，感桃綴房杳杳。有餘思行行安可忘，四鄰  
非舊識，無以話中腸。南有居士儼，默坐調心王。歛關一問訊，  
爲我披衣裳。延我入深竹，暖我於小堂。視身琉璃淨，論道  
蕉黃復有比丘溢。早傳龍樹方口中，祕丹訣肘後。懸青壘，  
杖錘獨振刀圭期。共嘗未知仙近遠，已覺神輕翔。夜久魂耿  
耿，月明露蒼蒼。悲哉沉眠士，寧見茲夕良。

月臨花 林檎花

凌風颺颺花，透影朧朧月。巫峽隔波雲，姑峯漏霞雪。鏡勻嬌  
面粉，燈泛高籠纈。夜久清露多，蹄珠墜還結。

紅芍藥

芍藥綻紅綃，巴籬織青瑣。繁絲感金藥，高焰當鑪火。剪刻彤  
雲片，開張赤霜裹。煙輕琉璃葉，風亞珊瑚朶。受露色低迷，向  
人嬌婀娜。醜顏醉後並，小女排成坐。豔豔錦不如，天天桃未  
可。晴霞畏欲散，晚日愁將墮。結植本爲誰，賞心期在我。採之  
諒多思，幽贈何由果。

送王十一南行

夏水漾天末晚暘映遙村風翻鳥尾勁眷戀餘芳罇解袂方  
瞬息征帆已翩翻江豚湧高浪槐樹搖去魂遠戍宗侶泊暮  
煙洲渚昏離心詎幾許歸苦復寒溫此別信非久胡爲坐憂  
煩我留石難轉君泛雲無根萬里湖南月三聲山上猿從茲  
耿幽夢夜夜湘與沅

三歎

孤劍鋒刃澁猶能神彩生有時雷雨過暗吼闐闐聲主人閔  
靈寶畏作升天行淬礪當陽鐵刻爲干鏌名遠求鷓鴣塋同  
用玉匣盛顏色縱相類利鈍頗相傾雄爲光電燧雌但深泓  
澄龍怒有奇變青虵終不驚

仙鳳翠皇死葳蕤光彩低非無鴛鴦侶誓不同樹棲飛馳歲  
云暮感念雛在泥顧影不自暖寄爾蟠桃雞馴養豈無媿類  
族安得齊願言成羽翼奮翅凌丹梯

人驥火龍偶三年常夜嘶哀緣噴風斷渴且含霜啼長恐經  
遺類不復躡雲霓非無駟駟者鶴意不在雞春來筋骨瘦弔  
影心亦迷自此渥洼種應生濁水泥

遣畫

密竹有清陰曠懷無塵滓况乃秋日光玲瓏曉窻裏旬休聊  
自適今辰日高起櫛沐坐前軒風輕鏡如水開卷恣詠謠望  
雲閑徒倚新菊媚鮮妍短萍憐霍靡掃除田地靜摘掇園蔬  
美幽翫愜詩流空堂稱居士客來傷寂寞我念遺煩鄙心跡  
兩相忘誰能驗行止

冬夜懷李侍御王太祝段丞

浩露烟盞盡月光閒有餘松篁細陰影重以簾牖踈泛覽星  
粲粲輕河悠碧虛織雲不成葉脉脉風絲舒丹竈熾東序燒  
香羅玉書飄飄魂神舉若駉鸞鶴輿感念夙昔意華尚簪與

裾簪裾詎幾許累創吞鉤魚今聞馨香道一以悟臭帑悟覺  
誓不惑永抱胎仙居晝夜欣所適安知歲云除行行二三友  
君懷復何如

西齋小松 二首

松樹短於我清風亦已多況乃枝上雪動搖微月波幽姿得  
閑地詎感歲蹉跎但恐屢終構藉君當柰何  
簇簇枝新黃纖纖攢素指柔苙漸依條短莎還半委清風日  
夜高凌雲竟何已千歲盤老龍修鱗自茲始

周先生

寥寥空山岑冷冷風松林流月垂鱗光懸泉揚高音希夷周  
先生燒香調琴心神功盈三千誰能還黃金

元氏長慶集卷第七

古體詩

遣春十首

表夏十首

解秋十首

遣病十首

寒

玉泉道中

續遣病

感夢

和李相公慈竹十二韻

遣春十首

曉月籠雲影鶯深餘霧中暗芳飄露氣輕寒生柳風冉冉一  
趨府未為勞我躬因茲得晨起但覺情興隆  
久雨憐霽景偶來隄上行空濛天色嫩杳淼江面平百草短  
長出衆禽高下鳴春陽各有分予亦澹無情  
鏡皎碧潭水微波粗成文烟光垂碧草瓊脉散纖雪岸柳好

陰影風裾遺垢氛悠然送春日八荒誰與群  
低迷籠樹烟明淨暮霞日陽焰波春空平湖漫凝溢雪鷺遠  
近飛渚牙淺深出江流復浩蕩相為坐紆鬱

眩寒深淺春紅日前後花顏色詎相讓生成良有泥梅芳勿  
自早菊秀勿自賒各將一時意終年無再華

高屋童稚少春來歸鷺多葺舊良易就新院亦已羅俯憐鵝  
化卵仰愧鵬無窠巢棟與巢幕秋風俱柰何

撩亂撲樹蜂摧殘戀房藥風吹雨又頻安得繁於綺酒盃沉  
易過世事紛何已莫倚顏似花君看歲如水

繞郭高高冢半是荆王墓後嗣熾陽臺前賢甘華路善惡徒  
自分波流盡東注胡然不飲酒坐落桐花樹

花陰莎草長藉莎閑自酌坐看鷺闌枝輕花滿尊杓葛巾竹  
簪計書卷琴上閣沽酒過此狂歌恨前樂梨葉已成陰柳條紛起絮波渌紫屏風螺絲

上熱萬事心中去我意風散雲何勞問行處

### 表夏十首

夏風多暖暖樹木有繁陰新筍紫長短早櫻紅淺深煙花雲  
幕重榴豔朝景侵華實各自好詎云芳意沉

初日滿堦前輕風動簾影旬時得休浣高卧閱清景僮兒拂  
巾箱鷓鴣深林井心到物自閑何勞遠箕穎

江瘴炎夏早蒸騰信難度今宵好風月獨此荒庭趣露葉傾  
暗光流星委餘素但恐清夜徂詎悲朝景暮

孟月夏猶淺奇雲未成峯度霞紅漠漠壓浪白溶溶玉委有  
餘潤颯馳無去蹤何如捧雲雨噴毒隨蛟龍

流芳遞炎景繁英盡寥落公署香滿庭晴霞覆欄藥栽紅起  
尚焰綴綠排新萼憑此遣幽懷非言念將詭

紅絲散芳樹旋轉光風急烟泛被籠香露濃糝面濕佳人不在  
此悵望堦前立忽厭夏景長今春行已及  
百舌漸吞聲黃鸝正嬌小雲鴻方警夜籠雞已鳴曉當時客  
自適運去誰能矯莫厭夏虫多蝸蟾定相擾  
翩翩簾外鷺戢戢巢內雛啖食筋力盡毛衣成紫襦朝來各  
飛去雄雌梁上呼養子將備老惡兒那勝無  
西山夏雪消江勢東南瀉風波高若天濫瀕低於馬正被黃  
牛旋難期白帝下我在平地行翻憂濟川者  
靈均死波後是節常浴蘭綵樓碧筠糗香秔白玉團逝者良  
自苦今人反為歡哀哉狗名士沒命求所難

解秋十首

清晨頽寒水動搖襟袖輕翳翳林上葉不升秋暗生迴悲鏡  
中影華白三四葉豈無兩頭黑念此衰已萌  
仙露結露翔鳩初變鷹無乃天地意使之行小懲鴟鴞訓  
可惡蔽日有高鵬捨大以擒細我心終不能

往歲學仙侶各在無何鄉同時驚名者次第鷓鷯行而我兩  
不遂三十鬢添霜日暮江上立蟬鳴楓樹黃

後伏火猶在先秋蟬已多雲色日夜白驕陽能幾何壤隙漏  
江海忽微成網羅勿言時不至但恐歲蹉跎

新月纔到地輕河如泛雲螢飛高下火樹影參差文露簾有  
微潤清香時暗焚夜閑心寂默洞庭無垢氛

霽麗牀前影飄蕭簾外竹簟涼朝睡重夢覺茶香熟親烹團  
內葵憑買家家麴釀酒并毓蔬人來有碁局

寒竹秋雨重凌霄晚花落低徊翠玉梢散亂梔黃萼顏色有  
殊異風霜無好惡年年百草芳畢意同蕭索

春非我獨春秋非我獨秋豈念百草死但念霜滿頭頭白古



所同胡爲坐煩憂茫茫百年內處身良未休  
西風冷衾篔展轉布華茵來者承玉體去者流芳塵適意醜  
爲好及時踈亦親衰周仲尼出無乃爲妖人  
漠漠江面燒微微風樹烟今日復今夕秋懷方浩然況我頭  
上髮衰白不待年我懷有時極此意何由詮

遣病十首

服藥備江瘴四年方一瘳豈是藥無功伊予久留滯滯留人  
固薄瘴久藥難制去日良已甘歸途奈無際

棄置何所任鄭公憐我病三十九萬錢歲入之大率資予養頑瞑  
身賤殺何益恩深報難罄公其千萬年世有天之鄭

憶作孩稚初健美成人列倦學厭日長嬉遊念佳節今來漸  
諱年頓與前心別白日速如飛佳晨亦騷屑

昔在痛飲場曾人病辭醉病來身怕酒始悟他人意怕酒豈  
不深悲無少年氣傳語少年兒盃盤莫迴避

憶初頭始白晝夜驚一縷漸及鬢與鬚多來不能數壯年等  
閑過過下音戈壯年已五華髮不再青勞生竟何補

在家非不病有病心亦安起居甥姪扶藥餌兄嫂看今病兄  
遠路道遙書信難寄言嬌小弟莫作官家官

鷺巢官舍內我爾俱爲客歲晚我獨留秋深爾安適風高翅  
羽垂路遠烟波隔去去玉山岑人間網羅窄

簷宇夜來曠暗知秋已生卧悲衾篔冷病覺肢體輕炎昏豈  
不勸時去聊自驚浩歎終一夕空堂天欲明

秋霽靜處多况乃凌晨趣深竹蟬晝風衣晝露庭莎病  
看長林果閑知數何以強健時公門日勞驚

朝結故鄉念暮作空堂寢夢別淚亦流啼痕暗橫枕昔愁憑  
酒遣今病安能飲落盡秋槿花離人疾猶甚

寒

江瘴節候煖臘初梅已殘夜來北風至喜見今日寒扣冰淺  
塘水擁雪深竹欄復此滿樽醪但嗟誰與歡

玉泉道中作

楚俗物候晚孟冬纔有霜早農半華實夕水含風涼遐想雲  
外寺峯巒眇相望松門接官路泉脉連僧房微露上弦月暗  
焚初夜香谷深煙塹淨山虛鍾磬長念此清境遠復憂塵事  
妨行行即前路勿滯分寸光

遣病自此通州後作

自古誰不死不復記其名今年京城內死者老少并獨孤纔

四十

秘書少監郁

仕宦方榮榮李三三十九

監察御史顧

御登朝有清聲

趙昌八十餘三擁大將旌為生信異異之死同冥冥其家哭

立愛一無異青其類嗟莫惜各無重輕萬齡猶一  
死天地平以此方我病我病何足驚借如今日死亦足了一

生借使到百年不知何所成况我早師佛屋宅此身形捨彼  
復就此去留何所縈前身為過跡來世即前程但念行不息  
豈憂無路行蛻骨龍不死蛻皮蟬自鳴胡為神蛻體此道人  
不明持謝愛朋友寄之仁弟兄吟此可達觀世言何足聽

感夢

夢故兵部裴尚書相公

十月初二日我行蓬州西三十里有館有館名芳溪荒郵屋

舍壞新雨田地泥我病百日餘肌體顧若割氣填暮不食早  
早掩竇圭陰寒筋骨病夜久燈火低忽然寢成夢宛見顏如  
珪似歎久離別嗟嗟復悽悽問我何病痛又歎何栖栖苔云  
痰滯久與世復相睽重云痰小疾良藥固易擠前時奉橘丸

攻疾有神功何不善和療豈獨頭有風予頃患痰頭風踰月

朴消丸數月而愈今夢中復殷勤平生事款曲無不終悲歡

徵前說故盡記往復之詞

兩相極以是半日中言罷相與行行行古城裏同行復一人  
不識誰氏子逡巡急吏來喚呼願且止馳至相君前再拜復  
再起啓云吏有奉奉命傳所旨事有大驚忙非君不能理答  
云久就閑不願見勞使多謝致勤勤未敢相唯唯我因前獻  
言此事愚可料亂熱由靜消理繁在知要君如冬月陽奔走  
不必召君如銅鏡明萬物自可照願君許蒼生勿復高體調  
相君不我言顧我再三笑行行及城戶黯黯餘日輝相君不  
我言一本握手命我從此歸不省別時語但省涕淋漓覺來身  
體汗坐卧心骨悲閃閃燈背壁膠膠雞去埒倦童顛倒寢我  
淚縱橫垂淚垂啼不止不止啼且聲啼聲覺僮僕僮僕擦亂  
驚問我何所苦問我何所思我亦不能語惻惻即路岐前經  
新政縣今夕復明辰寘寘滿心氣不得說向人奇哉趙明府  
在我眉不伸云有比來曾生此月與旬自言辨貴骨謂若  
天真談游費悶景何不與逡巡僧來為予語語及昔所知自  
言有奇中裴相未相時讀書靈山寺住處接園籬指言他日  
貴畧刻似不移我聞僧此語不覺淚歔歔去聲因言前夕夢無  
人一相謂無乃裴相君念我胷中氣遣師及此言使我盡前  
事僧云彼何親言下涕不已我云知我深不幸先我死僧云  
裴相君如君恩有幾我云滔滔衆好直者皆是唯我與白生  
感遇同所以官學不同時生小異鄉里拔我塵土中使我名  
字美美名何足多深分從此始吹噓莫我先頑陋不我鄙往  
往裴相門終年不曾履相門多衆流多譽亦多毀如聞風過  
塵不動井中水前時予掾荆公在期復起自從裴公無吾道  
甘已矣白生道亦孤讒謗銷骨髓司馬九江城無人一言理  
為師陳苦言揮涕滿十指未死終報恩師聽此男子

和東川李相公慈竹十二韻

文本韻

元氏長慶集卷第七  
慈竹不外長密比青瑤華予櫜有森束玉立無蹉跎纖粉妍  
賦質細瓊交翠柯亭亭霄漢近靄靄雨露多冰碧寒夜聳簫  
韶風晝羅煙含朧朧影月泛鮮鮮波鸞鳳一已顧燕雀永不  
過幽姿媚庭實顥氣爽天涯峻節高轉露貞筠寒更佳託身  
仙壇上靈物神所何時與天籟合音日聞陽春歌應憐孤生  
者摧折成病痾

元氏長慶集卷第七

元氏長慶集卷第八

古體詩

酬李相公 并啓

酬獨孤二十六

酬劉猛見送

酬樂天江州見寄

郵竹

落月

高荷

和裴校書鷺鷥

夜池

酬楊司業見寄

代杭民作一朝使君去

長慶曆

順宗挽歌詞

憲宗挽歌詞

恭王太妃挽詞

哭呂衡州

悼僧如展

遠安寺水亭

寒食日示姪

別孫村老人

劉家花

褒城驛

和樂天夢亡友

酬樂天見憶

與樂天同葬杓直

酬東川李相公十六韻次用本韻并啓

稹啓今月十二日州吏迴伏受相公書示知小生所獻和慈竹等詩關達鑒覽不蒙罪退而又賜詩一十韻并首序一百二十三言廢名位之常數比朋友以字之飾揚涓埃投擲珠玉幸甚幸甚至於廟議末學江花陋詞無不記在雅章以備光寵不勝惶駭驚慚之至昔楚人始交必有乘車戴笠不忘相揖之誓誠以爲貴富不相忘之難也况貴賤之隔不啻於車笠之相懸而相公投貺珍重又豈唯一揖之容易哉積獨何人享是嘉惠輒復牽課拙劣酬獻所賜是猶百獸與鳳凰同舞於簫韶之中各極其歡心耳又何暇自審其形容之不

下我慶歲專人封用上獻死罪死罪謹啓

昔附赤霄羽葳蕤遊紫垣闕班香案上奏語玉晨尊竇直檢忌諱科儀懲傲頑自從真籍除棄置勿復論前時共遊者日夕黃金軒請帝下巫覡八荒求我魂鸞鳳屢鳴顧燕雀尚籬藩徒令霄漢外徃徃塵念存存念豈虛設併投瓊與璠彈珠古所訝此用何太敦鄒律寒氣變鄭琴祥景奔靈芝繞身出左右光彩繁碾玉無俗色藥珠非世言重慚前日句陋若猶並蓀臘月巴地雨瘴江愁浪翻因持駭雞寶一照濁水昏

酬獨孤二十六送歸通州

此後至和樂天三首並用本韻

再拜捧兄贈拜兄珍重言我有平生志臨別將具論十歲慕侗儻愛白不愛昏寧愛寒切烈不愛暘溫暘二十走獵騎三十遊海門增兔跳趨趨惡鵬黑翻翻鼈釣氣方壯鶻拳心頗尊下觀鬢鬢輩一掃蕪不存名冠壯士籍功酬明主恩不然合音身棄何況身上痕金石有銷爍肺腑無寒溫分畫久已

定波濤何足煩嘗希蘇門嘯詎厭巴樹猿瘴水徒浩浩浮雲  
亦軒軒長歌莫長歎飲斛莫飲樽生爲醉鄉客死作達士魂

酬劉猛見送

種花有顏色異色即爲妖養鳥惡羽翮剪翮不待高非無剪  
傷者物性難自逃百足雖捷捷商羊亦翹翹伊余狷然質謬  
入多士朝任氣有復贖容身寡朋曹愚狂偶似直靜僻非敢  
驕一爲毫髮忤十載山川遙爍鐵不在火割肌不在刀險心  
露山嶽流語翻波濤六尺安敢主方寸由自調神劔土不蝕  
異布火不焦雖無二物姿庶欲効一毫未能深感感多謝相  
勞勞去去我移馬遲遲君過橋雲勢正橫壑江流初滿槽  
楚語持此慰遠道此之爲舊交

酬樂天赴江州路上見寄三首

昔在京城心今在吳楚末千山道路險萬里音塵闊天上參  
與商地上胡與越終天升沉異滿地網羅設心有無時  
有無繩結有結解不開有環尋不歇山嶽移可盡江海寒可  
絕離恨若空虛窮年思不徹生莫強相同相同會相別  
襄陽大隄繞我向隄前住燭隨花豔來騎送朝雲去萬竿高  
廟竹三月徐亭樹我昔憶君時君今懷我處有身有離別無  
地無岐路風塵同古今人世勞新故  
人亦有相愛我爾殊衆人朝朝寧不食日日願見君一日不  
得見愁腸坐氛氲如何遠相失各作萬里雲雲高風苦多會  
合難遽因天上猶有礙何況地上身

郵竹

庭有蕭蕭竹門有闐闐騎囂靜本殊途因依偶同寄亭亭乍  
干雲嫋嫋亦垂地人有異我心我無異人意

落月

落月沉餘影陰渠流暗光蚊聲靄窻戶螢火繞屋梁飛幌翠  
雲薄新荷清露香不吟復不寐竟夕池水傍

高荷

種藕百餘根高荷纔四葉颭閃碧雲扇團圓青玉壘亭亭自  
擡舉鼎鼎難藏壓不學着水荃一生長怙怙

和裴校書鷺鷥飛

鷺鷥鷺鷥何遽飛鷓鴣雀巢難久依清江見底草堂在一點  
白光終不歸

夜池

荷葉團圓莖削削綠萍面上紅衣落滿地明月思啼蟹高屋  
無人風張去聲幕

酬楊司業十二兄早秋述情見寄

今春與楊兄會於馮翊數日而

別此詩

白髮故人少相逢意彌遠往事共銷沉前期各衰晚昨來  
遇苦已復雲離巘秋草古膠庠寒沙廢宮苑知心豈忘鮑詩  
懷難和阮壯志日蕭條那能競朝幟

代杭民作使君一朝去二首

使君一朝去遺愛在民口惠化境內春才名天下首為問龍  
黃輩兼能作詩否

使君一朝去斷腸如剉藥無復見冰壺唯應鏤金石自此一  
州民生男盡名白

長慶曆

年曆復年曆卷盡悲且惜曆日何足悲但悲年運易年年豈  
無歎此歎何唧唧所歎別此年永無長慶曆

挽歌傷悼詩

順宗至德大聖大安孝皇帝挽歌詞三首

左拾遺時作

不改延洪祚因成揖讓朝謳歌同戴啓遏密共思堯雨露施  
恩廣梯航會葬遙號弓那獨切曾感昔年招

前春文祖廟大舜嗣堯登及此踰年感還因是月崩壽緣追  
孝促業在繼明興儉詔同今古山川繞灞陵

七月悲風起淒涼萬國人羽儀經巷內輜輅轉城闌暝色依  
陵早秋聲入輅新自嗟同草木不識永貞春

憲宗章武孝皇帝挽歌詞三首膳部貞時作  
國付重離後身隨十聖仙北辰移帝座西日到虞泉方丈言

虛設華胥事眇然觸鱗曾在宥偏哭墮辨前  
天寶遺餘事元和盛聖功二凶梟帳下三叛斬都中楊惠琳李師道

傳首京師劉闢李錡吳元濟腰斬都市始服沙陀虜方吞邏逤戎沙陀突厥自元和初始通  
中狼星如要射猶有鼎湖弓

月落禁垣西星贊曉仗齊風傳宮臨苦雲拂羽儀低路隘車  
千兩在蕭馬萬蹄共嗟封石檢不為報功泥

恭王故太妃挽歌詞二首按書郎時作  
燕姑貽天夢梁王盡孝思雖從魏詔葬得用漢藩儀曙月成

光歛寒簫度曲遲平生奉恩地哀挽欲何之  
文衛羅新壙仙娥掩暝山雪雲埋隴合簫鼓望城還寒樹風

難靜霜郊夜更閑哀榮深孝嗣儀表在河間  
哭呂衡州六首

氣敵三人傑交深一紙書我投冰瑩眼君報水憐魚髀股惟  
夸瘦膏肓豈暇除傷心死諸葛憂道不憂餘

望有經綸鈞度收宰相刀江文駕風遠雲貌接天高國待球  
琳器家藏虎豹韜盡將千載寶埋入五原蒿

白馬雙旌隊青山八陣圖請纓期繫虜枕草誓捐軀勢激三  
千壯年應四十無遙聞不瞑目非是不憐吳



鷓鴣生難敵沉檀死更香兒童喧巷市羸老哭碑堂鴈起沙汀暗雲連海氣黃祝融峯上月幾照北人喪

迴鴈峯前鴈春迴盡却迴聯行四人去同葬一人來鏡吹臨江返城池隔霧開滿船深夜哭風棹楚猿哀

杜預春秋癖揚雄著述精在時兼不語終古定歸名未水波文細湘江竹葉輕平生思風月潛寐若爲情

僧如展及韋載同遊碧澗寺各賦予落句云他生莫忘靈山座滿壁人名後復稀展共吟他生之句

因話釋氏緣會所以莫不悽然久之不十日而展公長逝驚悼返覆則他生豈有兆耶其間展公仍

賦黃字五十韻飛札相示予方屬和未畢自此不復撰成徒以四韻爲識

童吟前日他生句豈料踰旬便隔生會擬一來身塔下無因共繞寺廊行紫毫飛札看猶濕黃字新詩和未成繼何得如

羊叔子不聞兼記舊交情

公安縣遠安寺水亭見展公題壁漂然淚流因書

四韻

碧澗去年會與師三兩人今來見題壁師已是前身芟葉迎僧夏楊花度俗春空將數行淚灑遍塔中塵

寒食日毛空路示姪晦及從簡

我昔孩提從我兄我今衰白爾初成分明寄取原頭路百世長須此路行

別孫村老人寒食日

年年漸覺老人稀欲別孫翁淚滿衣未死不知何處去此身終向此原歸

和樂天劉家花

閑坊靜曲同消日淚草傷花不爲春遍問舊交零落盡十人  
纔有兩三人

衰城驛二首

容州詩句在衰城幾度經過眼暫明今日重看滿衫淚可憐  
名字已前生

憶昔萬株梨映竹遇逢黃令醉殘春梨枯竹盡黃令死今日  
再來衰病身

和樂天夢亡友劉太白同遊二首

君詩昨日到通州萬里知君一夢劉閑坐思量小來事祇應  
元是夢中遊

老來東郡復西州行處生塵爲喪劉縱使劉君魂魄在也應  
至死不同遊

酬樂天見意兼傷中表

別重泉見意兼傷中表生離萬里賒瘡侵新病骨夢到故人家  
遙派江  
報草閑收落地花庾公樓悵望巴子國生涯河任天然曲江  
隨峽勢斜與君皆直慙須分老泥沙

與樂天同葬杓直

元伯來相葬山濤誓撫孤不知他日事兼得似君無

元氏長慶集卷第八

元氏長慶集卷第九

傷悼詩

夜闌

醉醒

空屋題

謝子蒙見諭

遣悲懷三首

除夜

合衣寢

聽彈烏夜啼

江陵三夢

獨夜

荅友封

感小株夜合

追昔遊

初寒夜寄盧子蒙

諭子蒙

旅眠

感夢

竹簟

夢井

張舊蚊幃

六年春遣懷八首

夢成之

哭小女降真

哭女樊

又哭女樊四十韻

哭子十首

感逝

妻滿月相唁

夜閑

此後並悼亡

感極都無夢魂銷轉易驚風簾半鈎落秋月滿床明悵望臨  
堦坐沉吟遶樹行孤琴在幽匣時迸斷絃聲

感小株夜合

纖幹未盈把高條纔過眉不禁風苦動偏受露先萎不分秋  
同盡深嗟小便衰傷心落殘葉猶識合昏期

醉醒

積善坊中前度飲謝家諸婢笑扶行今宵還似當時醉半夜  
覺來聞哭聲

追昔遊

謝傳堂前音樂和狗兒吹笛膽娘歌花園欲盛千場飲水  
初成百度過醉摘櫻桃投小玉嬾梳叢鬢舞曹婆再來門  
唯相弔風落秋池紅葉多

空屋題

十月十四日夜

朝從空屋裏騎馬入空臺盡日推閑事還歸空屋來月明穿  
暗隙燈燼落殘灰更想咸陽道魂車昨夜回

初寒夜寄盧子蒙

子蒙近亦喪妻

月是陰秋鏡寒為寂寞資輕寒酒醒後斜月枕前時倚壁思  
閑事回燈檢舊詩聞君亦同病終夜遠相悲

城外回謝子蒙見諭

十里撫稚別一身騎馬回寒煙半堂影燼火滿庭灰稚女憑  
人問病夫空自哀潘安寄新詠仍是夜深來

諭子蒙

撫稚君休感無兒我不傷片雲離岫遠雙鷺念巢忙大壑誰  
非水華星各自光但令長有酒何必謝家莊

三遣悲懷

謝公最小偏憐女自嫁黔婁百事乖顧我無衣搜蓋篋況他  
沽酒拔金釵野蔬充膳甘長藿落葉添薪仰古槐今日俸錢  
過十萬與君營奠復營齋

昔日戲言身後意今朝皆到眼前來衣裳已施行看盡針線  
猶存未忍開尚想舊情憐婢僕也曾因夢送錢財誠知此恨  
人人有貧賤夫妻百事哀

閑坐悲君亦自悲百年都是幾多時鄧攸無子尋知命潘岳  
悼亡猶費詞同穴窅冥何所望他生緣會更難期唯將終夜  
長開眼報答平生未展眉

旅眠

內外都無隔帷幙不復張夜眠兼客坐同在火爐牀

除夜

憶昔歲除夜見君花燭前今宵祝文上重疊敘新年閑處低  
聲哭空堂背月眠傷心小男女撩亂火堆邊

感夢

行吟坐歎知何極影絕魂銷動隔年今夜商山館中夢分明  
同在後堂前

合衣寢

良夕背燈坐方成合衣寢酒醉夜未闌幾回顛倒枕

竹簟

竹簟襯重茵未忍都令卷憶昨初來日看君自施展

聽庾及之彈烏夜啼引

君彈烏夜啼我傳樂府解去聲古題良人在獄妻在閨官家欲

救烏報妻烏前再拜淚如雨烏作哀聲妻暗語後人寫出烏  
啼引吳調哀絃聲楚楚四五年前作拾遺諫書不密丞相知  
謫官詔下吏驅遣身作囚拘妻在遠歸來相見淚如珠唯說  
閑宵長拜烏君來到舍是烏力糝點烏盤邀女巫今君爲我  
千萬彈烏啼啄淚瀾瀾感君此曲有深意昨日烏啼桐葉  
墜當時爲我賽烏人死葬咸陽原上地

夢井

夢上高原原上有深井登高意枯渴願見深泉冷徘徊遶  
井顧自照泉中影沉浮落井瓶井上無懸綆念此瓶欲沉荒  
忙爲求請遍入原上村村空犬仍猛還來遶井哭哭聲通復  
哽哽噎夢忽驚覺來房舍靜燈焰碧朧朧淚光凝凹凹鍾聲  
夜方半坐卧心難整忽憶咸陽原荒田萬餘頃土厚壙亦深  
埋魂在深堦更深安可越魂通有時呈今宵泉下人化作瓶  
相誓感此涕洟瀾洟瀾涕霑領所傷覺夢間便覺死生境  
無同穴期生期諒綿永又恐前後魂安能兩知省尋環意無  
極坐見天將晒吟此夢井詩春朝好光景

江陵三夢

平生每相夢不省兩相知况乃幽明隔夢魂徒爾爲情知夢  
無益非夢見何期今夕亦何夕夢君相見時依稀舊糝服晻  
淡昔容儀不道間生死但言將別離分張碎針線禡疊故幘  
幘撫稚再三囑淚珠千萬垂囑云唯此女自歎總無兒尚念  
嬌且駭未禁寒與飢君復不懌事奉身猶脫遺况有官縛束  
安能長顧私他人生間別婢僕多謾欺君在或有託出門當  
付誰言罷泣幽噎我亦涕淋漓驚悲忽然寤坐卧若狂癡月  
影半牀黑虫聲幽草移心魂生次第覺夢久自疑寂默深想  
像淚下如流澌百年永已訣一夢何太悲悲君所嬌女棄置

不我隨長安遠於日山川雲間之縱我生羽翼網羅生縶維  
今宵淚零落半爲生別滋感君下泉魄動我臨川思一水不  
可越黃泉况無涯此懷何由極此夢何由追坐見天欲曙江  
風吟樹枝  
古原三丈穴深葬一枝瓊崩剝山門壞烟綿墳草生久依荒  
隴坐却望遠村行驚覺滿牀月風波江上聲  
君骨久爲土我心長似灰百年何處盡三夜夢中來逝水良  
已矣行雲安在哉坐看朝日出衆鳥雙徘徊

張舊蚊幃

踰年間生死千里曠南北家居無見期况乃異鄉國破盡裁  
縫衣忘收遺翰墨獨有纈紗幃憑人遠携得施張合歡榻展  
卷雙鴛翼已矣長空虛依然舊顏色徘徊將就寢徒倚情何  
極昔秀香田田今無魂惻惻隙穿斜月照燈背空牀黑詩聖  
強開懷夢啼還過臆平生貧寡歡天枉勞苦憶我亦詎幾  
胡爲自摧逼燭蛾焰中舞爾蠶叢上織焦爛各自求他人顧  
何力多離因苟合惡影當務息往事勿復言將來幸前識

獨夜傷懷贈呈張侍御張生近喪妻

燼火孤星滅殘燈寸焰明竹風吹面冷簷雪墜堦聲寡鶴連  
天叫寒雛徹夜驚祗應張侍御潛會我心情

六年春遣懷八首

傷禽我是籠中鶴沉劍君爲泉下龍重續猶存孤枕在春衫  
無復舊裁縫

檢得舊書三四紙高低闊狹粗成行自言併食尋高事唯念  
山深驛路長

公無渡河音響絕已隔前春復去秋今日閉窗拂塵土殘絃  
猶迸細篁篔

婢僕曬君餘服用嬌癡稚女遶牀行玉梳鈿朶香膠解盡日  
風吹璫瑁箏

伴客銷愁長日飲偶然乘興便醺醺恠來醒後傍人泣醉裏  
時時錯問君

我隨楚澤波中水君作咸陽泉下泥百事無心值寒食身將  
稚女帳前啼

童稚癡狂撩亂走繡毬花仗滿堂前病身一到總帷下還向  
臨堦背日眠

小於潘岳頭先白學取莊周淚莫多止竟悲君須自省川流  
前後各風波

荅友封見贈

荀令香銷潘簾空悼亡詩滿舊屏風扶牀小女君先識應爲  
些些似外翁

夢成之

燭暗船風獨夢驚夢君頻問向南行覺來不語到明坐一夜  
洞庭湖水聲

哭小女降真

雨點輕漚風復驚偶來何事去何情浮生未到無生地暫到  
人間又一生

哭女樊

秋天淨綠月分明何事巴猿不勝鳴應是一聲腸斷去不容  
啼到第三聲

哭女樊四十韻

魏州長史時作

逝者何由見中人未達情馬無生角望猿有斷腸鳴去伴投  
遐徼來隨夢險程四年已養育萬里破回縈病是他鄉染碑  
應遠處驚山魍邪亂逼沙虱毒潛嬰母約看寧辨余慵療不



精欲尋方次第俄值疾充盈燈火徒相守香花抵浪擎蓮初  
 開月梵薜已落朝榮魄散魂將盡形金玉尚瑩空垂兩行血  
 深送一枝瓊祕祝休巫覘安眠放使令舊衣和篋施殘藥滿  
 甌傾乳媪閑於社醫僧媿似醒憫渠身覺騰訝佛力難爭騎  
 竹癡猶子牽車小外甥等閑迷過影遙戲誤啼聲浣紙傷餘  
 畫扶牀念試行獨留呵面鏡誰弄倚牆箏憶昨工言語憐初  
 妙長成撩風妬鸚舌凌露觸蘭英翠鳳輿真女紅蕖捧化生  
 祗憂嫌五濁終恐向三清宿惡諸葷味懸知眾物名生而不食葷血  
 無之物及此而默識其名者數輩環從枯樹得經認寶函  
 盛愠怒偏憎數分張雅愛平最憐貪栗妹頻救懶書兄為占  
 嬌饒分良多眷戀誠別常回面泣歸定出門迎解恠還家晚  
 長將遠信呈說人偷罪過要我抱縱橫騰踏遊江舫攀緣看  
 樂棚和蠻歌字幻乙教學妓舞腰輕迓避離荒服持携到近  
 京未容誘伎倆唯恨枉聰明往緒心千結新絲鬢百莖暗窸  
 風報曉秋幌雨聞更敗槿蕭疎館衰楊破壞城此中臨老淚  
 仍自哭孩嬰

哭子十首翰林學士時作

維鷄受刺因吾過得馬生災念爾冤獨在中庭倚閑樹亂蟬  
 嘶噪欲黃昏  
 纔能辨別東西位未解分明管帶身自食自眠猶未得九重  
 泉路託何人

爾母弱情連夜哭我身因事有時悲鍾聲欲絕東方動便是  
 尋常上學時

蓮花上品生真界兜率天中離世途彼此業緣多障礙不知  
 還得見兒無

節量黎粟愁生疾教示詩書早成鞭朴校多憐校少又綠

遺恨哭三聲

深嗟爾更無兄弟自歎予應絕子孫寂寞講堂基址在何人  
車馬入高門

往年鬢已同潘岳垂老年教作鄧攸煩惱數中除一事自茲  
無復子孫憂

長年苦境知何限豈得因兒獨喪明消遣又來緣爾母夜深  
和淚有經聲

烏生八子今無七猿叫三聲月正孤寂寞空堂天欲曙拂簾  
雙鸞引新雛

頻頻子落長江水夜夜巢邊舊處棲若是愁腸終不斷一年  
添得一聲啼

感逝 浙東

頭白夫妻分無子誰令蘭蕙感衰翁三聲啼婦卧牀上一寸  
人皆有應與暮年心不同

妻滿月日相唁

十月辛勤一月悲今朝相見淚淋漓狂花落盡莫惆悵猶勝  
囚花壓折枝

元氏長慶集卷第九

律詩

代曲江老人

關元觀酬吳侍御

春期白二十三不至

黃明府詩并序

酬白學士

代曲江老人百韻

年十六時作

何事花前泣曾逢舊日春  
先皇初在鎬賤子正游秦  
撥亂干戈後經文禮樂辰  
徽章懸象魏貔虎畫麒麟  
光武休言戰唐堯念睦姻  
琳琅銷柱礎葛藟茂河漚  
尚齒惇耆艾搜材拔積薪  
裴王持藻鏡姚宋幹陶鈞  
內史稱張敞蒼生借寇恂  
名卿唯講德命士耻憂貧  
杞梓無遭用芻蕘不忘詢  
懸金收逸驥鼓瑟薦嘉賓  
羽翼皆隨鳳瑜璉肯稱珉  
班行容濟濟文質道彬彬  
百度依皇極千門闢紫宸  
理刑非苟簡稽古蹈因循  
書

謬偏求伏詩亡遠聽申繼黜三彪賈穉擢八龍荀海外恩方  
 洽淹中教不泯儒林一同異冠履盡清淳天淨三光麗時和  
 四序均卑官休力役賤職少艱辛蠻貊同車軌鄉原盡里仁  
 帝途高蕩蕩風俗厚諄諄秋日耕耘足豐年雨露頻成烟生  
 不見村豎老猶純耒耜勤千畝牲牢奉六禋南郊禮天地東  
 野闢原畝校獵求初吉先農卜上寅萬方來合雜五色瑞輪  
 困池禦呈朱鴈壇場得白鱗耐金光照耀奠壁綵璘玢掉蕩  
 雲門發蹕躡鷺羽振集靈撞玉磬和鼓奏金鐸建簾崇牙盛  
 銜鐘獸目嗔總干形屹崒戛敵背嶙峋文物千官會夷音九  
 部陳魚龍華外戲歌舞洛中嬪佳節修酺禮非時宴侍臣黎  
 園明月夜花萼豔陽晨李杜詩篇敵蘇張筆力勻樂章輕鮑  
 照碑板笑顏竣秦嶽陪封禪汾陰頌鬼神星移逐西顧風暖  
 功東巡谷德留易谷龜伏過冒賓弗天雷設設而也設  
 沃土心逾熾豪家禮漸湮老農羞荷鍤貪賈學垂紳曲藝爭  
 工巧彫機變組紉青鳧連不解紅粟朽相因山澤長莖貨梯  
 航競獻珍翠毛開越舊龍眼敵甌閩玉饌薪然蠟椒房燭用  
 銀銅山供橫賜金屋貯宜嘖班女恩移趙思王賦感甄輝光  
 隨顧步生死屬搖脣世族功勳久王姬寵愛親街衢連甲第  
 冠蓋擁朱輪大道垂珠箔當爐踏錦茵軒車隘南陌鍾磬滿  
 西鄰出入張公子嬌奢石季倫雞場潛介羽馬埒並揚塵韜  
 袖誇狐腋弓弦尚鹿臙紫條牽白犬錦韉覆花駟箭倒南山  
 虎鷹擒東郭貌躩身迎過雁坐射取迴鶉竟蓄朱公產爭藏  
 郗氏緡橋桃衿馬鶩倚頓數金銀蔬闕冬中韭羨憐遠處尊  
 萬金纒下筋五醜未稱醇曲水流觴日倡優醉度旬探丸依  
 郭歸投轄伴陳遵共謂長安泰那知遽構屯奸心興桀黠凶  
 醜比頑嚚斗柄侵妖彗天泉化逆鱗貸恩歎乃祖連禍及吾

民獫狁當前路鯨鯢得要津王師方業業暴卒已虜瞽雜虜  
同謀夏宗周蹇去函陵園深暮景霜露下秋旻鳳闕悲巢鵬  
鵠行亂野麀華林荒茂草寒竹碎貞筠村落空垣壞城隍舊  
井堙破船沉古渡戰鬼聚陰燐振臂誰相應攢眉獨不伸毀  
容懷赤紱混跡戴黃巾木梗隨波蕩桃源斃隱淪弟兄書信  
斷鷗鷺往來馴忽遇山光澈遥瞻海氣真祕圖推廢主後聖  
合經綸野杏渾休植幽蘭不復紉但驚心憤憤誰戀水粼粼  
盡室離深洞輕橈盪小輪殷勤題白石悵望出青蘋夢寐平  
生在經過處所新阮郎迷里巷遼鶴記城闈虛過休明代旋  
為朽病身勞生常矻矻語舊苦諄諄晚歲多衰柳先秋媿大  
椿眼前年少客無復昔時人

開元觀閑居酬吳士矩侍御四十韻中有問行藏求藥物之語

詩八

靜習狂心盡幽居道氣添神編啓黃簡祕錄捧朱籤爛熳少  
霞駐優游歲序淹登壇擁旌節趨殿禮胡髯殿有玄宗真容醮起  
彤庭燭香開白玉匳結盟金劔重斬魅寶刀鉅禹步星網動  
焚符竈鬼詹冥搜呼直使章奏役飛廉仙籍聊憑檢浮名復  
為占赤誠祈皓鶴綠髮代青縑虛室常懷素玄關屢引枯貂  
蟬徒自寵鷗鷺不相嫌始悟身為患唯欣祿木恬龜龍戀淮  
海雞大傍閭閻松笠新偏翠山峯遠更尖簫聲吟茂竹虹影  
逗虛簷初日先通牖輕颺每透簾露盤朝滴滴鈎月夜纖纖  
已得殮霞味應嗤食蓼甜上琴閑度晝耽酒醉銷炎几案隨  
宜設詩書逐便拈灌園多抱甕刈藿乍腰鎌野鳥終難繫鷓  
鴒本易厭風高雲遠逝波駭鯉深潛邸第過從隔蓬壺夢寐  
瞻所希顏頗練誰恨突無黔思拙慙圭璧詞煩雜米塩諭雖  
言太小求藥意何謙

語默君休問行藏我

詎兼狂歌終此曲情盡口長箱

病減逢春期白二十二辛大不至十韻校書郎

病與窮陰退春從血氣生寒膚漸舒展陽脉乍虛盈就日臨  
階坐扶牀履地行問人知面瘦祝鳥願身輕風暖牽詩興時  
新變賣聲飢饒看藥忌閑悶點書名舊雪依深竹微和動早  
萌推遷悲往事踈數辯交情琴待嵇中散杯思阮步兵世間  
除却病何者不營營

黃明府詩并序

小年曾於解縣連月飲酒予常為觥錄事曾於寶少府廳中  
有一人後至頻犯語令連飛十二觥不勝其困逃席而去醒  
後問人前虞鄉黃丞也此後絕不復知元和四年三月予奉  
使東川十六日至褒城東數里遙望驛亭前有大池樓榭甚  
盛逡巡有黃明府見迎瞻其形容秀異以識問其前銜則因  
時之逃席黃丞也說向前事黃生慨然而寤因饋酒  
舫舟請予同載予不免其意與之盡懽徧問座隅山川則曰  
又褒次其右感今懷古作黃明府詩云

少年曾痛飲黃令困飛觥席上當時走馬前今日迎依稀迷  
姓氏積漸識平生故友身皆遠他鄉眼暫明便邀連榻坐兼  
共摘音別船行酒思臨風亂霜稜掃地平不看深淺酌貪愴古  
今情邈迤七盤路坡陀數丈城花凝叟女笑棧想武侯征一  
種埋幽石老閑千載名

酬翰林白學士代書一百韻并序此後江陵時作

玄元氏之下元日會予家居至枉樂天代書詩一百韻鴻洞

卓犖令人興起心情且置書美予前和七章章次用本韻

韻同意殊謂為工巧前書可謂寔難之今復次排百韻以

荅懷思之貺云

昔歲俱充賦同年遇有司八人稱迥拔兩郡濫相知同年入

拔萃登科予逸驥初翻步鞞鷹暫脫羈遠途憂地窄高視覺

天早並入紅蘭署偏親白玉規近朱憐冉冉伐木願惵惵魚

魯非難識鈔黃自懶持心輕馬融帳謀奪子房帷秀發幽巖

電清澄溢岸陉九霄排直上萬里整前期勇贈棲鸞句慚當

古井詩予贈樂天詩云皎彼鸞鳳姿多聞全受益擇善頗相

師脫俗殊常調潛工大有為還醇憑酎酒運智託圍碁情會

招車胤閑行覓戴逵僧餐月燈閣醺宴劫灰池予與樂天約

於月燈閣閑遊又嘗與勝槩爭先到篇章競出奇輸贏論破

的點竄肯容絲山岫當街翠墻花拂面枝昔予賦詩云為覓

樂天知此鸞聲愛嬌小鸞翼翫逶迤轡為逢車緩鞭緣趁伴施密

攜長上樂偷宿靜坊姬僻性情慵朝起新晴助晚嬉相歡常滿

目別處鮮開眉翰墨題名盡光陰聽話移樂天每與予游從

自寅至巳猶未畢詞也綠袍因醉典烏帽逆風遺暗插輕

籌筇仍提小屈厄予有筇筇其草筇筇小蓋酒胡之本絃纜一

舉下口已三遲逃席衝門出歸倡借馬騎狂歌繁節亂醉

舞半衫垂散漫紛長薄邀遮守隘歧幾遭朝士笑兼任巷童

隨苟務形骸達渾將性命推何曾愛官序不省計家資忽悟

成虛擲翻然歎未宜使回耽樂事堅赴策賢時寢食都忘倦

園廬遂絕窺勞神甘感感攻短過孜孜葉怯穿楊箭囊藏透

穎錐超遙望雲雨擺落占泉坻略削荒涼苑搜求激直詞那

能作牛後更擬助鴻基舊制後皆以惡計取容為美

高等初就業時今裴相公取子慎勿以第為美累深佩其

麗神旗首被呼名姓多慙冠等衰千官容眷盼五色照離披

鷓侶從茲洽鷗情轉自縻分張殊品命中外却駟馳出入稱

金籍東西侍碧墀闢班雲洶湧關扇雉參差切媿尋常質親

瞻咫尺姿日輪光照耀龍服瑞歲鞋誓欲通愚塞生憎効喔

伊倭存真妾婦諫死是男兒便殿承偏召權臣懼撓私廟堂

雖稷契城社有狐狸似錦言應巧如絃數易欺敢嗟身暫黜

所恨政無毗予元和元年任拾遺八十三日對九月十日賊授河南尉

騰亦在斯再令陪憲禁依舊復陪危使蜀嘗絲遠分臺更嶮

巖匿姦勞發掘破黨惡持疑斧刃迎皆碎盤牙老未萎乍能

還帝笏詎忍折音吾支虎尾元來險圭文却類疵浮榮齊壤

芥閑氣詠江離闕下殷勤拜樽前嘯傲辭飄沉委蓬梗忠信

敵蠻夷戲誚青雲驛譏題皓髮祠予途中作青雲驛詩病其

其出處不常貪過谷隱寺留讀峴山碑寺在亭側草沒章臺耻隄橫楚

翠眉野蕙侵稻隴亞柳狀成卑遇物易周換登樓思漫彌金

摺嫩橙子墜泛遠鷓鴣仰竹藤纏屋苦茅荻補離竹為丸田

荻為離也麵梨通蒂朽火米帶芒炊麵梨軟爛無味葦笋針筒束

鰾魚箭羽鬢茸羹真底可鱸膾漫勞思北渚銷菟望南風著

骨吹度梅衣色漬食稗馬蹄羸南方衣服經夏謂之度梅羸

稗之屬院擢和泥鹼官酷小麴醜訛音煩繳繞輕聲俗醜威儀

樹罕貞心栢畦豐衛足葵坳窪饒種矮游惰墜庸緇病賽烏

稱鬼巫占瓦代龜南人染病竟賽烏鬼連陰蛙張王瘴瘧雪

治醫雨中井作蛙池我正窮於是君寧念及茲一篇從日下

雙鯉送天涯坐捧迷前席行吟忘結綦匡牀鋪錯繡几案踴

靈芝形影同初合參商喻此離翁因秋弃置鏡異月盈虧壯

志誠難奪良辰豈復追窳牛終夜永潘鬢去年衰徐十年始

歲已生溟渤深那測穹蒼意在誰馭方輕駉裘車肯重辛夷

卧轍希濡沫低顏受頤頤世情焉足恠自省固堪悲溷鼠虛



求潔籠禽方訝飢猶勝憶黃犬幸得早圖之

元氏長慶集卷第十

元氏長慶集卷第十一

律詩

紀懷贈李戶曹

荅胡靈之

酬許康佐

送人之嶺南

酬段丞

酬竇校書

泛江翫月

病聞幕中徵樂

酬支封話舊

送王協律游杭越

送馬侍御迴

紀懷贈李六戶曹崔二十功曹五十韻

昔冠諸生首初因三道徵公卿碧雞會名姓白麻稱日月光  
遙射煙霄志漸弘榮班張錦繡諫路賜牋藤便欲呈肝膽何  
言犯股肱椎埋衝斗劍清徹壺冰赤縣纔分務青驄已迥  
乘因騎度海鷗擬殺蔽天鵬縛虎聲空壯連鼇力未勝風翻

波竟感山壓勢逾崩，倖辱徒相困蒼黃。性不能耐歌離峴，頂  
負氣入江陵。華表當蟾魄，高樓挂玉繩。角聲悲掉蕩，城影暗  
稜層。軍幕威容盛，官曹禮數兢。心雖出雲鶴，身尚觸籠鷹。踈  
足良甘分，排衙苦未曾。通名參將校，抵掌見親朋。煦沫求涓  
滴，滄波怯斗升。荒居鄰鬼魅，羸馬步殘殘。白草堂簷短，黃梅  
雨氣蒸。霑黏經汗席，颯閃盡油燈。夜怯殮膚蚋，朝煩拂面蠅。  
過從愁厭賤，專靜畏猜仍。旅寓誰堪託，官聯自可憑。甲科崔  
並驚，柱史李齊昇。共展排空翼，俱遭激遠矰。他鄉元易感，同  
病轉相矜。投分多然諾，忘言少愛憎。誓將探肺腑，耻更辨淄  
澠。會宿形骸達，論文意氣增。一心吞渤澥，戮力拔嵩恒。語到  
磨圭角，疑消破弩癥。吹噓期指掌，患難許檐簷。鍛翮鸞棲棘，  
藏鋒箭在弰。雪中方覩桂，木上莫施層。且泛黃公水，兼過被  
病僧。有時鞭款段，盡日醉夢登。躡屐看秧稻，敲船和採菱。又  
魚江火合，喚客谷神應。嘯傲雖開口，幽憂復滿膺。望雲鰭撥  
刺，透匣色騰凌。每想潢池寇，猶稽赤族懲。夔龍勞筭畫，貔虎  
帶威稜。逐鳥忠潛奮，懸旌意遠凝。弋思徹札絆，驥悶牽絙  
運甕調。辛苦聞雞屢，寢興聞隨人。兀兀夢聽鼓，鼙鼙他勝班  
筆行看擲。黃陂莫漫澄，騏驎高閣上。須及壯時登。

荅姨兄胡靈之見寄五十韻并序

九歲解賦詩，飲酒至斗餘。乃醉時方依倚舅族，舅憐不以禮  
數檢。故得與姨兄胡靈之之輩十數人，為晝夜遊。日月跳擲  
於今餘二十年矣。其間悲歡合散，可勝道哉。昨枉是篇，感徹  
肌骨。適白翰林又以百韻見贈，余因次酬本韻，以荅貫珠之  
贈焉。於吾兄不敢變例，復自城至生凡次五十一字，靈之本  
題兼呈李六侍御，是以篇末有云。

憶昔鳳翔城，齠年是事榮。理家煩伯舅，相宅盡茲引吾兄詩。

律蒙親授朋游忝自迎題頭筠管縵教射角弓驛靈之善筆

矮馬駝髮韞聲音牛獸面纓對談依赳赳送客步盈盈米枕

諸賢讓蠡杯大戶傾一船席外語三榼拍心精傳盞加分數

橫波擲目成華奴歌浙浙媚子舞卿卿大夫張生好屬詞

歌浙浙鹽又有舞者媚子鬪設狂為好誰憂飲敗名屠過

隱朱亥樓夢古秦嬴鮒令禁言張生常令綱紀環坐唯便草投盤暫廢觥

春郊纔爛熳夕鼓已砢轟荏苒移灰琯喧闐勸塞兵糟漿聞

漸足書劍訝無成抵壁慙虛棄彈珠覺用輕遂籠雲際鶴來

狎谷中鷲學問攻方苦篇章興太清囊踈螢易透錐鈍股多

坑筆陣戈矛合文房棟楠撐豆萁才敏雋羽獵正崢嶸岐下

尋時別京師觸處行醉眠街北廟閑遠宅南營予宅在靖安

寓居永樂南街廟中予宅又南鄰弩營柳愛凌寒軟梅憐上番驚觀松青黛笠

闌藥紫霞英開元觀古松五株靖安宅也盡日聽僧講

詠月明正躬幽趨樂旋被宦途縈吏晉資材枉留秦歲序更

賦靈之作吏平陽子我鬢驚數寸君髮白千莖芸閣懷鈿暇

姑峯帶雪晴何由身倚玉空睹翰飛瓊世道難於劍讒言巧

似笙但憎心可轉不解蹠如擊始効神羊觸俄隨旅鴈征孤

芳安可駐立鼎幾時烹潦倒沉沉泥滓歎危踐矯衡登樓王粲

望落帽孟家情龍山落帽臺去府城二十里巫峽連天水章臺塞路荆華

臺去府雨摧漁火焰風引聲竹枝聲分作屯之寒那知困亦

亨官曹三語掾國器萬尋楨此後多述李君定交之意逸傑雄

姿迥皇王雅論評蕙依潛可習雲合定誰令原燎逢冰井鴻

流值木啗智囊推有在勇爵敢徒爭迅拔看鵬舉高音侍鶴

鳴所期人拭目焉肯自伴盲鈿鈍丁寧淬蕪荒展轉耕窮通

須豹變櫻搏笑狼獾媿捧芝蘭贈還披肺腑呈此生如未死

未擬變平生一本云今日負平生

酬許五康佐次用本韻

奮迅君何晚羈離我詎儔鶴籠閑警露鷹縛悶牽韉蓬閣深  
沉省荆門遠慢州課書同吏職旅宦各鄉愁白日傷心過滄  
江滿眼流嘶風悲代馬喘月伴吳牛枯涸方窮轍生涯不繫  
舟猿啼三峽雨蟬報兩京秋珠玉慙新贈芝蘭忝舊游他年  
問狂客須向老農求

送侍御之嶺南二十韻并序

古朋友別皆贈以言况南方物候飲食與北土異其甚者夷  
民喜聚蠱祕方云以含銀變黑為驗攻之重雄黃海物多肥  
腥啖之好嘔泄驗方云備之在鹹食嶺外饒野菌視之蟲蠱  
者無毒羅浮生異果察其鳥啄者可餐大抵珠璣瑋瑁之所  
聚貴潔廉湮鬱暑濕之所蒸避溢慾其餘道途所慎離愴之  
懷盡之二百言矣叙不復云

漢法戎施慕秦官郡置監蕭何歸舊印自江陵鮑永授新

幣聘雖盈篋泥章未破緘蛛懸絲繚繞鵲報語詰諫再礪神

羊角重開憲簡函崔君前任已為御史肇纓聰赳赳綉繡終終音逸

翻憐鴻翥離心覺刃劔聯游虧片玉洞照失明鑒遙想車登

嶺那無淚滿衫茅蒸連蟒氣衣漬度梅賊象鬪綠谿竹猿鳴

帶雨杉颶風狂浩浩韶石峻嶰嶰宿浦宜深泊祈龍在至誠

瘴江乘早度毒草莫親芟試蠱看銀黑排腥貴食鹹菌須蟲

已蠹菓重鳥先鷗冰瑩懷貪水霜清顧痛巖珠璣當盡擲蕙

苴詎能讒荆俗欺王粲吾生問季咸遠書多不達勤為枉擻

擻

酬段丞與諸棊流會宿弊居見贈二十四韻次用本韻

鳴局寧虛日閑窓任廢時琴書甘盡棄園井詎能窺運石疑  
填海爭籌憶坐帷赤心芳苦鬪紅燭以先施蛇勢縈山合鴻

聯度嶺遲堂堂排直陣衮衮逼羸師懸劫偏深猛回征特險  
巖旁攻百道進死戰萬般爲異日玄黃隊今宵黑白碁斫營  
看迥點對壘重相持善敗雖稱怯驕盈最易欺狼牙當必碎  
虎口禍難移乘勝同一捷扶顛望一詞希因送日便敢待指  
縱奇退引防邊策雄吟斬將詩眠牀都浪置通夕共忘疲曉  
雉風傳角寒藁雪壓枝繁星收玉版殘月耀冰池僧請聞鍾  
粥賓催下藥卮獸炎餘炭在蠟淚短光衰俛仰嗟陳跡殷勤  
卜後期公私牽去住車馬各支離分作終身癖兼從是事墮  
此中無限興唯怕俗人知

酬竇校書二十韻

次本韻

鷗鷺元相得杯觴每共傳芳遊春爛熳晴望月團圓調笑風  
流劇論文屬對全賞花珠並綴看雪壁常連竹寺荒唯好松  
栽小更憐替投孟公轄狂乞莫愁錢塵土拋書卷槍

泛江翫月十二韻

并序

身外役渾證飲中禪及我辭雲陞逢君仕圃田音徽千里滿  
魂夢兩情偏足聽猿啼雨深藏馬腹鞭官醪半清濁夷饌雜  
腥膻顧影無依倚甘心守靜專那知暮江上俱會落英前款  
曲生平在悲涼歲序遷鶴方同北渚鴻又過南天麗句慙虛  
擲沉機嬾強牽粗酬珍重意工拙定相懸

予以元和五年自監察御史貶授江陵士曹掾六月十四日  
張季友李景儉二侍御王文仲同錄王衆仲判官兩昆季爲  
予載酒炙選聲音自府城之南淮攀月泛舟窮竟一夕予賦  
詩以紀之

楚塞分形勢羊公壓大邦朋儕多士子叅量盡敦龐岳壁閑  
相對荀龍自有雙共將船繫泊况是月臨江遠樹懸金鏡深

潭倒玉幢委波添淨練洞照滅凝釭闐咽沙頭市玲瓏竹岸  
惚巴童唱巫峽海客話神龍已困連飛盞猶催未倒釭飲荒  
情爛熳風棹藥崢嶸揆勝事他年盡雄心此夜降知君皆逸韻  
須為應筵撞

疴卧聞幕中諸公徵樂會飲因有戲呈三十韻

獲落因寒甚沉陰與病偕藥囊堆小案書卷塞空齋脹腹看  
成鼓羸形漸比柴道情憂易適溫瘴氣難排治癒扶輕杖開  
門立靜街耳鳴疑暮角眼暗助昏霾野竹連荒草平陂接斷  
崖坐隅甘對鵬當路恐遭豺蛇蠱迷弓影鷗翎落箭韋晚籬  
喧鬪雀殘菊半枯荻音悵望悲回雁依遲傍古槐一生長苦  
節三省詎行怪奔北翻成勇司南却是高穹蒼真漠漠風雨  
漫喑喑彼美猶谿女其誰占館娃誠知通有日太極浩無涯  
布卦求無妄祈天願孔皆音藏音謀計拙地僻性還乖况羨  
蓮花侶方欣綺席請鉅車迎妓樂銀翰屈用儕白紵音歌  
同蹄墜舞釵音綺人如名音緘身霞出海艷臉月臨淮音筋隨  
宜放投盤止罰嗻紅娘留醉打觥使及醒差音舞音引紅娘拋打  
砑音顧我潛孤憤何人想獨懷夜燈燃檝葉凍雪墮塼堦壞  
壁虛缸倚深爐小火埋鼠驕銜筆硯被冷束筋骸畢竟圖斟  
酌先須遣癘瘵音瘴音槍旗如在手音那復敢歲裏

酬友封話舊敘懷十二韻依次用韻

風波千里別書信二年稀乍見悲兼喜猶驚是與非身名判  
作夢盃盞莫相違草館同牀宿沙頭待月歸春深鄉路遠老  
去宦情微魏闕何由到荊州且共依人欺翻省事官冷易藏  
威但擬馴鷗鳥無因用弩機開張圖卷軸顛倒醉衫衣尊菜  
銀絲嫩鱸魚雪片肥憐君詩似湧踏馬筆如飛會遣諸伶侶  
篇篇入禁圍

送王協律游杭越十韻

去去莫悽悽，餘杭接會稽。松門天竺寺，花洞若耶溪。浣渚逢  
新豔，蘭亭識舊題。山經秦帝葬，壘辨越王棲。江樹春常早，城  
樓月易低。鏡澄湖面喘，雲疊海潮齊。章甫官人戴，尊絲姹女  
提。長干迎客鬧，小市隔烟迷。紙亂紅藍壓，甌凝碧玉泥。荆南  
無抵物，來日爲儂攜。

送東川馬逢侍御使回十韻

風水荆門闊，文章蜀地豪。眼青賓禮重，眉白衆情高。思勇曾  
吞筆，投虛慣用刀。詞鋒倚天劔，學海駕雲濤。南郡傳紗帳，東  
方讓錦袍。旋吟新樂府，便續古離騷。雪岸猶封草，春江欲滿  
槽。餞筵君置醴，隨俗我鋪糟。莫嘆巴三峽，休驚鬢二毛。流年  
等頭過，人世各勞勞。